

Scultennam usque flumen subsidio miserat: videbat ab Austriacis retorqueri identidem oculos ad Regnum Neapolitanum, tamquam ad prædam sibi ereptam: consilia eorum, conatusque perspexerat: quid sibi, si (quod in Vormaciensi fœdere sancitum diserte erat) tota Bourbonii Italia pellerentur, metuendum, esset, cogitabat. Illa etiam cogitanti succurrebant, Regni novitas, non satis dum corroborata auctoritas, ambitiosæ Principum mentes, incerti populorum, animi, multoque incertior bellorum eventus. Igitur quid Populi, quid Principes molirentur, attente investigabat. Beneficio ut alii, nonnulli metu, omnes justo sibi lenique imperio astringerentur, operam dabat. Præterea Portum Neapolitis, eamque totam oram novis propugnaculis munimentisque succingi, navale instrui, naves refici ædificarique, arma curari, Milites exerceri jubebat: singulas ex singulis Provinciis legiones conscribebat, easque veteranis admiscendo militiæ artibus laboribusque assuefaciebat: præfecerat iis ex Neapolitana Nobilitate fortuna & genere prin-
ci-

cipes. Quo facto res consequeretur duas, ut & milites in suo Regno paratos instructosque haberet, & Principum sibi animos militaris honoris specie devinceret. Denique etsi nihil se Italicis turbationibus interponere constituerat, quæ tamen ad bellum usui forent, iniqua tempora præmeditatus, enixe parabat.

Hic tum erat Italiæ Principum status, is habitus animorum. Interea Bellum, uti dictum supra est, ab Austriacis Borboniisque gerebatur. Quædam utrinque velitationes, aliquot etiam prælia commissa erant. Celebris illa apud Campum-sanctum pugna tanta concertatione, dubioque adeo exitu pugnata est, ut superiores ex ea utrique sese discessisse gloriarentur. Porro Austriaci, auctis post Camposanctense prælium copiis, & recenti Principis Lobcoviczii Imperio elati (quod novi semper Ducis adventu militum animi excitantur) premere acrius Hispanos, atque audacius insequi cœperunt. Hispanorum autem erat exercitus & eodem Camposanctensi prælio, & diutinis laboribus itineribusque,

que, tum etiam perfugarum frequentia
 attenuatus, neque celeriter redintegrari
 novis delectibus poterat: propterea quod
 & temporis oberat angustia, & mare,
 unde submitti illis auxilia poterant, a
 Britannis arctius custodiebatur. Itaque
 cum & propter militum paucitatem
 prælio contendere periculofum, & in-
 commodum effet propter inopiam ciba-
 riorum, iis, quibus jam inveteraverant,
 locis diutius immorari; simulque peri-
 culum illud effet, ne ab Austriacis, qui
 dimidio jam ferme majores copias ha-
 berent, ipsi circumvenirentur, neve
 obsessis (quod hostes conabantur) viis
 commeatus & receptus intercluderetur
 omnis: tutius Hispani consilium secuti,
 castris a Pisauro repente motis, quam-
 quam extremum semper agmen carpe-
 rent hostes, incolumes tamen, paucis
 in longo difficilique itinere desideratis,
 cum omnibus impedimentis in Regnum
 sese Neapolitanum receperunt: estque
 in eo receptu collaudata admodum Co-
 mitis Gagii Hispanorum Imperatoris vir-
 tus, & scientia rei militaris.

Id

Id ubi Neapolim literis nunciisque perlatum est, & jam jamque adesse hostes fama, omnia semper in pejus augens, falso nunciaret, animi hominum pro cuiusque aut ingenio aut fortuna varie afficiebantur. Erant (quod in omni civitate, atque in magna præsertim multitudine accidere necesse est) qui odio præsentis status, insita quadam naturæ mobilitate, novis rebus studerent: & qui patrimonio naufragi desperatique spem magnam in rerum perturbatione ponerent, communique mallent quam proprio casu interire: & qui demum, quod Austriacas olim partes arctius atque apertius, quam privatum hominem deceat, essent amplexi, & jacere idcirco sibi, ac minus in præsentia valere videbantur, illorum propterea Regnum, summe cuperent reviviscere, a quibus multa sibi & magnifica pollicebantur. At horum omnium furor, partim populi totius mirifice pro Rege consentientis fide deterritus, partim severiori Magistratuum diligentia, & novæ inter eos, qui dubiæ fidei habebantur, institutæ quæstionis metu compressus frastu-

ctusque, ad inania vota, atque ad incertissimam spem devolvebatur. Reliqui vero fere omnes, qui aut ministeriis amicitiiisque Regiam attingebant, aut optimi Regis moribus suavissimis illecti justissimo ejus imperio delectabantur, aut ab Hispanis oriundi pro sua gente acerrime stabant, parati erant quidvis perpeti ac facere potius, quam Germanorum iterum jugum subire. Nihilo tamen secius metuebant rerum humanarum vicissitudinem, & nonnulli ex iis, rei militaris ignari, ad belli nomen strepitumque horrescebant, &, quæ ipsi sibi temere fingeant pericula, inepte miserabantur. Pars igitur trepidare, pars gaudere; alii nimium cedere, timere, nimium alii; de Rege ac Republica quidam, omnes de se cogitare. At Rex, adhibitis summis viris, quibuscum maximis de rebus communicare consueverat, quid facto opus esset, querere instituit. Censebat aliquis, Austriacos irritari tam alieno tempore non oportere, Hispanis nimium aperte juvandis; recordabatur ancipitem martis fortunam; naturam populorum infidam atque mo-

bilem : hinc Siciliam ac Brutios pestis Mamertinæ metu laborare , illinc Vestinos ac Marucinos hostium imminenti furore urgeri dicebat : certos homines ad defectionem spectare forsitan : quiescere nunc quidem , at commoveri posse ad belli & fortunæ motum : nihil esse tam minimum , quod negligi in Imperio , atque in bello præsertim possit : magnum ubique , maximum intus periculum . Adversus quos casus tam multos , tam varios , tamque interdum repentinos , quæ spes ? ubi belli nervus pecunia ? ubi Exercitus ? auxilia ab Hispanis aut advenire serius , aut prohiberi facile posse : superum inferumque mare esse clausum : mercaturis fatali hac Regum & Nationum discordia impeditis fidem concidisse : vectigalia deteriora in dies fieri : Ærarium pene exhaustum esse . Quod vero ad Exercitum attinet , collectitios esse milites tantum , tyronum turbam , aut deserturos signa , aut etiam aggregaturos sese hostibus , ubi hostes viderint : Hispanos autem Austriacorum multitudine perterritos , tot detrimentis absumptos , tot itineribus de-

defatigatos quietem potius, ac laborum periculorumque levamentum aliquod, quam praelia rursus & castra spectare: etiam atque etiam prospiciendum esse, ne temere progressis turpis impendeat exitus, neve, dum amicis prodesse volumus, nos pereamus, & ipsi non ferventur. Proinde nullam sibi nisi in otio salutem videri, & nisi in eo Rex consilio perseveret, quod constitutum jam cum Britannis habuerit, ut abstinendo armis, neutram hoc bello in partem inclinet: cunctandum, & rationem interim excogitandam esse aliquam, qua & cedentes Hispanos sublevemus, si possumus, & Austriacos insequentes non offendamus. Contra erat qui Hispanorum Exercitum libentissimis animis accipiendum, & cibariis auxiliisque, omni denique re juvandum esse putaret, nulla Austriacorum habita ratione: non utile Regi, non esse honestum, Philippi Patris milites pro Patris ejusdem Philippi hostibus, & jam suis, deferere; Austriacorum conatus omnes eo spectare, ut, devictis ejectisque Hispanis, Regem deinde Neapolis, quietis simulatione deceptum,

facilius conficiant, Italiaque omni potiantur. Eo Vormaciense fœdus omne, eo intimam illam cum Sardiniae Regæ armorum consiliorumque omnium conjunctionem, tanto impendio quæsitam, pertinere: eodem etiam illud, quod per Britannos unum idemque cum ipsis sentientes, ut superfederetur bello, utque Neapolitana ab Hispano Exercitu auxilia avocarentur, tantopere contenderint: eodem pertinere, quod, dum mediam Rex personam diligenter tuebatur, ipsi interea insidias moliri, Neapolitani populi fidem per literas improbosque homines convellere nunquam destiterint: modo inimico animo cum Exercitu in Regni finibus esse. Expectandumne, etiam, dum cunctantes, & vetera illa ac pervulgata de ancipiti martis fortuna, deque populorum natura mobili perpendentes, opprimamur? Quid tandem, inquit, veremur? aut cur de populi fide, de militum nostrorum virtute, de copiis, de pecunia denique desperamus? an non hic populus ille idem est, qui Proregum avaritiam superbiamque nuper pertæsus, Regem cupidissime proprium

prium appetiverit, deinde ejus benignitate captus adamaverit, a quo Rege magnis beneficiis ornatus, tantis commodis auctus fuerit? An non hujus ipsius populi constantia explorata tum maxime est, cum litori portuique nostro Britannorum classis immineret minitabunda, & seditionis occasionem avida aucupari videretur? atque illis turbulentissimis diebus nemo in tanta sese multitudine commovit; quin fuere homines, qui maris cognitione freti audacter sane atque animose reciperent Regi, ituros sese ad Britannorum naves, easque incensuros. Quid tu igitur nobis, ut populo credamus, suades? Ego vero non modo non illi credendum, sed summo-pere ab eo cavendum esse dicam sane si vultis. Sed utrum diligentior cautio est, in ejusmodi periculis pertimescendis, si falsa, an in vindicandis, si vera sunt? nam belli apparatu & quiescunt timidiore, & scelerati, si qui sunt, obstinatoque ad facinus animo, cum non timeri sese videant, timere ipsi incipiunt, neque audaciæ suæ locum ibi esse existimant, ubi paratas offenderint ad de-

defendendum vires. At, credo, de militum nostrorum robore atque animis dubitamus: Quos qui collectitios appellat, ignorare is mihi videtur, istorum militum magnam partem vigesimo jam stipendio functam esse: denique hos esse eosdem, qui in Africa apud Oranum, cum ferocissima Maurorum gente, in Italia apud Butuntos cum hisce eisdem Austriacis congressi superiores discesserint; & qui in Siciliam deinde transgressi, Syracusis & Messana, quæ ab hoc ipso Duce hostium Lobcoviczio præsidio tenebatur, in deditionem acceptis, duo celerrime Regna receperint. Tyrones autem qui sunt, ut in omni Exercitu sunt, hi quidem juventutis vi, veteranorum exemplo, Ducum imperio, & in officio continebuntur, & si non vetustatis, eandem certe exercitationis & roboris opinionem assument. Illum vero Exercitum, Gergio Imperatore, & Camposanctensi prælio nobilem, Hispanorum Belgarumque florem, & proximo hoc in Regnum receptu ab hostibus laceffitum, num tandem quærere otium, an congregiendi iterum cum Austriacis occasio-

fio-

sionem sitire arbitramini? Neque me illa movent, quæ de Mamertina peste, deque utroque mari clauso jactantur. Nam Mamertina pestis Comitum Mahonii Legati diligentia atque auctoritate aut extincta jam fere est, aut ipsa diuturnitate ita relanguit, ut infrequentioribus præidiis comprimi facile possit. Ut mare autem custoditum & septum adeo esse concedamus, nulla ut omnino auxilia & commeatus evadere possint, quid externa requirimus, cum domesticis abundemus? An Siciliam, horreum quondam populi Romani, beatissimas Brutiorum Provincias, Campaniam præterea, Apuliam, Samnium non frumentum, non omnis generis commeatum, non equos, arma, milites subministrare largiter posse censetis? Nam pecuniæ ad stipendium satis, mea quidem sententia, est, ubi vectigalia fide redimantur, fide ac diligentia administrentur, neque auri pondus in non necessarias res effundatur. Hisce igitur copiis opibusque cum hostis ferox avidus impendat, & nostris prope in faucibus urgeat, sedentes adhuc, belandum necne sit, otiose consulimus?

Bel-

Bellum , bellum , inquam , gerendum est , vi vis quam maturrime repellenda , ne , quod turpissimum est , sero sapiamus ; hostes autem socordiam nostram suam , putent occasionem , & ad eorum conatus propulsandos aut animum nobis , aut vires defuisse suspicentur . Hac oratione inducti ad bellum plerique propendebant , utique Hispaniensis Exercitus omni aperte re juvaretur , & Neapolitanæ cum eo copię quam primum conjungerentur , decernere videbantur . Sed Rex satis in præsentia habens , Hispanos Regno commeatuque non prohibere , quod salvis cum Britannorum Rege conditionibus facere poterat , nihil sibi ulterius progrediendum esse existimabat . Nam etsi vera esse , quæ dicerentur , videbat , tamen committendum non putabat , ut armis sumptis dici posset , turbandæ quietis initium a se fieri . Dicebatur etiam permotus Ducis Montallegrii consilio , qui apud eum rerum usu & ingenio solertissimo plurimum poterat . Is , uti ferebatur , vel quod natura prudentior esset , vel quod partam in pace auctoritatem imminui , suamque in bello ope-

ram

ram minus probari vereretur, bellicis propterea consiliis adversabatur maxime, iisque Regem populumque sollicitari nolebat.

Dum hæc Neapoli consuluntur, Princeps Lobcoviczius cum Equitatus & Peditatus parte Comitem Brounium Legatum miserat, qui Hispanos ad Truentum usque amnem persequeretur & vexaret, atque etiam exploraret, si quid ab Austriaci exercitus propinquitate motus in Vestinis, eaque circum loca oriretur. Ipse in agro Piceno iter represserat, de summa belli admodum sollicitus, atque incertus, quo progredetur. Namque a principio cogitaverat, pulsos fugatisque Hispanis, in Lunensem agrum descendere, ibique & Galliam Cisalpinam, Etruriamque respicere, unde illi commeatus facile atque abunde supportaretur omnis; & Genuenses continere, qui Vormaciensis fœderis injuria incitati tumescere jam ad bellum videbantur, simulque præsto esse ad occurrendum Hispanis, si forte, vacuum nacti a Britannis mare, ad oram portumque aliquem Ligusticum impro-

vifo appellerent. Hispanorum enim auxilia mare jamdiu e Barcinonensi litore spectabant, confestim in Italiam, ubi fuisset occasio, avolatura; Britannorum autem classis, post navalem ad promontorium Siciense pugnam, in Magonis sese portum subduxerat, & diutius ibi morabatur, dum praelio & longa maris hyemisque jactatione afflictæ naves remigisque reficerentur, ac instruerentur. Nunc vero in Neapolitanum Regnum, hostibus receptis, Lobcoviczius ex rei commutatione longe aliud sibi capiendum consilium atque antea cogitaverat, intelligebat; neque adhuc tamen, quænam hoc allato nuncio Hungariæ Regina mens esset, quæve deliberatio, satis sciebat; & si Neapolitani Belli fortuna tentanda esset, ut satis firmum satisque magnum ad eam rem Exercitum haberet, magnopere verebatur. Incertus itaque, uti diximus, quo se verteret, in agro Piceno confederat, expectabatque ancipiti cogitatione distractus, quoad sciret, quid nam Regina, audito Hispanorum receptu, decerneret atque imperaret. At illam Neapolitani

Re-

ni invadendi cupiditas invaserat. tan-
 ut eorum, qui contra in Concilio
 irent, opiniones negligentius audi-
 ur, neque prorsus quidquam adver-
 proficerent socii atque amici Regis
 iniæ obtestationes; cum ipse, amif-
 ocis plurimis munitissimis, patefacto
 mperii sui viscera aditu, salutis jam
 diffidere inciperet, debitumque sibi
 /ormaciensi fœdere Austriacorum
 dium maxime necessario tempore
 oraret: non distrahendas vires esse
 erabatur, non bella bellis ferenda:
 conjunctis copiis vix satis præsidii
 ad præsentis hostes reprimendos,
 ultro alios accerseret? cum sua re-
 vix posset, quid alienis inhiaret?
 uidem timere, detentis Neapolitano
 Austriacis, & sedentibus ad mino-
 Balearem Britannis, ne ipse interea
 Hispanorum & Gallorum impetus
 e, neve cogatur, tantis jam de-
 tis acceptis, fortunæ tandem suc-
 ere: id si evenerit, denunciare
 sese atque prædicere, non sine
 a ipsius etiam Reginae pernicie,
 itan totius Italiae jactura, eventu-
 rum

rum. Regina nihilominus in sua sententia perseverat; eorumque libentius consilio permovetur, qui Neapolim occupandam censent, & facillimi negotii rem esse demonstrant, dissipatis perterritisque Hispanis, quieto atque adeo imparato Rege, at paratissimis (ut sibi ipsi persuadebant) ad defectionem populorum animis: Sardiniae Regem nihil non timendum nimium timere: satis in eo virium esse ad Italiam ex ea parte tutandam, eoque repellendos hostes, quorum magna pars difficultate itinerum, frigorum vi, crebritate praeliorum, locorum expugnatione, aut interierit, aut dilapsa jam sit: reliquis vero longe a domo in hostili & non fructuosa terra, Mari intercluso, bellantibus praesidii parum, periculi nimium superesse. Multum in Germania deperiisse, pace cum Borussia Rege necessariis magis quam æquis conditionibus facta: magno in Italia stetisse Sardiniae Regis societatem: ea omnia, duobus opulentissimis Regnis acquisitis, compensari facile posse. Erat Romæ Comes Tunius, Episcopus Gurcensis, Reginae ad Pontificem Maximum Legatus.

rus. Ipse & rem a principio per literas
 proposuerat, & proclinatam nunc urgebat
 vehementissime. Hominem sua sponte,
 officii ductum necessitate, quod Reginae
 Legatus esset, tum etiam præcipuo ad-
 versariorum odio incensum, incende-
 bant etiam magis plurimi, qui Romæ
 Austriacis partibus ad insaniam usque
 studebant, & nonnulli, qui ad eum ex
 Regno confluxerant, exules, damnati-
 que. Hi, dum a Regina aliquid Legato-
 que exprimerent, egentes, perdit, nihil
 magnopere pensi habebant assentari,
 mentiri, fallere, jactare amicitias &
 clientelas, comminisci seditiones, ma-
 gna atque incredibilia polliceri, alere
 credulitatem. Hæc tamen omnia, atque
 uberiora etiam, ut suæ plerumque ho-
 mines opinioni largius indulgent, ad
 Reginam Episcopus Gurcensis Viennam
 perscribebat; & Viennæ credebantur,
 vel quia facile credimus, enixe quæ vo-
 lumus, vel quia Comes Tunius, cujus
 prope in conspectu Neapolitanum Re-
 gnum erat, melius propterea videbatur
 posse illius Regni statum perspicere.
 His de causis, quas commemoravi, ma-
 gno

gno animo, majoreque spe Bellum adversus Neapolis Regem decernitur. Imperatur Lobcoviczio, uti confestim cum exercitu suo in Neapolitanum Regnum irrumpat. Regni per Civitates ac Provincias, Reginae Hungariae nomine conscriptae, literae disseminantur. Sollicitantur veteres atque occulti Austriacarum partium fautores. Hebraeorum Mercatorum, qui commercii atque industriae causa Neapolim vocati erant, expulsio promittitur. Apparebat id populo dari, apud quem illa natio consuevit invidia divitiarum, & Religionis perversitate offendere. Impunitates, immunitates, tabulae novae, praemia, honores ostentantur. Omnibus modis omnium hominum atque ordinum fides ingeniaque tentantur. Comes Brounius Legatus, quem a Lobcoviczio missum ad insequendos Hispanos demonstravimus, de bello inferendo certior factus, Truentum celeriter transjicit, quod flumen Neapolitanum a Pontificio Imperio dividit. Tumultuatur longe lateque: circumjacentes agros hostilem in modum devastat, occupat parva quaedam in Vest-

nis loca: eorum Magistratui panem,
 rdeum, maximeque pecunias imperat:
 vibus etiam præliis cum Hispanorum
 quitum stationibus contendit. Quo qui-
 an tempore res accidit non præter-
 nda silentio, & qua in ipso expedi-
 nis initio periclitari hostes potuerunt,
 id Neapolitani Milites etiam gregarii
 ssent, atque auderent. Namque Nea-
 litanus quidam inter Hispanos Dra-
 nes merens [genus id Equitum est,
 i in præliis ex equis interdum desi-
 nt, & pedibus præliantur] cum ab
 ungariis levis armaturæ Equitibus cir-
 myventus esset, non sese hostibus de-
 , non animo concidit, sed equo ad-
 sso, scythicoque ense elato, in illos
 uit audacissime, septem ex iis inter-
 it, quosdam vulneravit, reliquos con-
 it in fugam; atque interfectorum
 olia cum retulisset in castra, atque ad
 peratoris pedes projecisset, admiratus
 perator viri virtutem, ducentos for-
 limo militi aureos numerari iussit, quos
 e comilitonibus statim suis largitus
 , una se facinoris gloria contentum
 e dicens, ut non magis invicti, quam ma-
 gni

gni animi indicium daret. Lobcovicium interim de bello jam non dubium illa rursus dubitatio sollicitabat: qua potissimum parte in hostium fines duceret agmen. Erant omnino itinera quatuor, quibus itineribus a Pontificis Provincia in Regnum Neapolitanum perveniri poterat. Tallacotense, & Rheatinum, non admodum frequentia, & qua ire exercitus, hyemæ præsertim, nequaquam poterat; propterea quod loca aspera nimium essent ac montosa. Eorum itaque cogitatio ne suscepta quidem est. Reliqua erant duo, quorum alterum mare superum consecratur, & per Potentiæ fluminis ostia atque Asculanorum fines in Vestinos ducit, eoque ad insequendos Hispanos Comes Brounius ierat: alterum porro Umbriam attingit, agrumque Romanum discriminat, & per Anagninam ac Frusinonem in Campaniam ilabitur. Hac erumpere in Regnum conabatur Lobcoviczius, & erupisse quondam ajunt Carolum Galliarum Regem illum, qui Ludovici Mauri Mediolanensium Ducis turbulentis atque ambitiosis consiliis evocatus in Italiam descendit;

un-

unde Ludovico exitium, Carolo fuga, Italiae omni vastitas, & nunquam interitura Transalpinorum bella evenere. Atqui plerique existimant, si adhibita Lobcovicius celeritate, transducto confestim exercitu, flumen Truentum eodem, quo Conitem Brounium præmiserat, itinere in Vestinos venisset, indeque nactus Apuliae fuisset opima ac maritima loca, potuisse ab eo bellum majori cum sua utilitate, hostiumque damno administrari. Quæ res tamen plures recipiebat difficultates. Erat anni tempus durissimum, altissima nive. Difficillimæ, propter viarum ac locorum a luto atque nive subfidentium angustias, æneorum tormentorum ceterarumque rerum subvectiones. Conflictabatur etiam rei frumentariæ pabulique inopia, quæ ingravescere in dies posse videbatur, si per hostium agros, aut per quos hostis pene vastabundus incesserat, ipse nusquam præparatis com meatibus iter facere cœpisset. Cum vero tota in festinando res confisteret, maximo erat ad conficiendi negotii celeritatem impedimento Aterni arx objecta excurrentibus; quam præsidii

D

ac

ac propugnaculis munitam egregie, modo Hispano etiam exercitu succinctam, & tentare, & relinquere post se æque periculosum erat. Dum autem Regina mandata expectat, dum rem frumentariam expedit, atque auxilia e Gallia Cispalpina, auxilia e Germania conveniunt, multum effluxerat temporis. Interea accelerabant, ut sese cum Hispaniensibus conjungerent Neapolitanæ copiae, & rei e vestigio gerendæ occasio, in bello præsertim occupanda, prætervolaverat. His rebus permotus Lobcovicius illam superi Maris viam relinquit, & cum vernum jam tempus præcipitaret, revocato Comite Brounio, suisque omnibus in unum tandem coactis copiis, via Flaminia per Umbriam Agrumque Romanum in Campaniam, uti dictum est, constituit irrumpere.

At quibus viribus Neapolitanum Regnum profectus sit oppugnatum, statuere difficile est. Pro studio enim partium alii amplificanti, alii elevanti militum numerum; & cum bella plerumque fama atque opinione consent, ejusmodi rumores, varia in vulgus edendo, adaugere

gere callide ipsi solent Imperatores, quo maiorem suis fiduciam, hostibus injiciant metum. Sed viginti millia peditum fuisse, sex Equitum feruntur. Accedebant legionariis collecti ex Transilvania, Croatia, Illyricoque omni, & finitimis regionibus velites, quos e suis latibulis excitos, ad prædam bellumque in Italiam, Austriaci compulerant. Multi etiam capitis damnati, transfugæque convenerant, quos vitæ veniæque desperatio, & rapinarum spes acrius ad arma concitabat. Ex his conflatae centuriæ, quod nullo ordine nullaque disciplina certa pugnarent, solutæ appellantur. Erant præterea Hungaricorum Equitum circiter millia duo, qui libere atque audacter veteri Parthorum more vagari consueverunt: itinera habent infesta, commeatus interceptiunt, loca explorant. Hunc Exercitum (quem maiorem etiam fama esse nunciabat) ad invadendum Regnum trahebat Lobcoviczius, insignis ipse Dux, & primis apud clarissimum Imperatorem Eugenium stipendiis, & rebus in Boemia gestis, & quod ad Italicum bellum tantum atque difficile haud nequidquam.



missus esse videbatur. Jamque Macerata moverat iv. Nonas Maji, quatruidique viam progressus superatis saltibus, qui Picentes ab Umbris dividunt, atque ad Camertes pertinent, modicis ad Forum Flaminii itineribus pervenerat. Advolatio continuo Roma Comes Tunius. Omnia, quæ Lobcoviczio sapius per literas inculcaverat, coram ipse agit multo vehementius. Excitat, hortatur, docet quantopere ad causam Reginæque utilitatem interfit Neapoli confestim potiri: expeditionis gloriam commodaque amplificat. Id in primis facillimum factum esse dicitur: per omne enim Regnum, atque in sinu Urbis Neapolis esse ait summæ potentiæ magnæque cognationis homines, qui fremant, præsentemque statum ægre patiantur, & sese Austriacis cupiant quamprimum adjungere: auctorem populis, non animum ad defectionem deesse: proinde iret, atque auderet: nullo negotio opprimi posse Regem in ancipiti positum discrimine, cum domestica simul cavere & externa propulsare pericula debeat. Hæc dum in Castris cum Lobcoviczio Tunius agit, animadvertit, Legatos & ple-

plerosque copiarum Præfectos alieniore
 esse in Lobcoviczium animo, deque illo
 asperius loqui. Hominem esse dicere
 indiligentem, difficilem, & qui omnia
 revocet ad arbitrium suum, nihil de
 aliorum sententia agat. Id utrum in-
 vidia ac malevolentia adducti, quod ho-
 mines de his libenter detrahunt, emi-
 nere quos videant altius, an revera,
 quod ita esset, dicerent ac quererentur,
 ambiguum cum valde sit, non videtur
 pro certo esse ponendum; præsertim
 cum qui Lobcoviczio usi sunt perquam
 familiariter, multa nobis atque egre-
 gia de ejus facilitate morum, ingenii-
 que præstantia retulerint. Sed Comes Tunius
 Romam celeriter reversus, statim literas
 ad Reginam dedit, quæ illi accurate si-
 gnificarent, quæcumque ipse de Lobco-
 viczio, deque aliorum Ducum dissen-
 sione & querelis, in castris cum esset,
 audierat, atque perspexerat. Regina,
 quod Regni repetendi occasionem cor-
 rumpi prolatando ac disputando posse
 videret, severius ad Lobcoviczium scri-
 bit, uti bellum iterque maturet, simul-
 que (ut aliquid Legatis etiam daret)

Le-

Legatorum in Concilio sententiarum rationem haberi majorem jubet, neque eorum negligi consilia, qui Austriacas Romæ res curabant; quorum ad bellum Neapolitanum opera ac diligentia ob loci propinquitatem & notitiam opportuna admodum esse videbatur. Lobcoviczius hisce mandatis acceptis tripartito copias dividit, ita ut exercitus pars altera ab altera parte bidui via abesset: eo consilio, ut earum Regionum hominibus, per quas transire copias oportebat, spatium daretur ad expediendos commeatus (erant enim eæ circum regiones frequentibus exercituum itineribus magnopere exhaustæ atque attritæ) ac ut ipsæ etiam copię ejusmodi intervallo dispersitæ facilioribus vecturis cæterisque necessariis rebus uterentur. Tali modo instructo exercitu, & re frumentaria ordinata, a Foro Flaminii Lobcoviczius progressus per Spoletanorum, Interamnatum, & Narniensium fines ad Falerios Faliscorum pervenit. Castra ibi locat, Concilium advocat. Adsunt Legati, primique ordines. Adest Alexander Albanus Cardinalis, qui Roma tum forte

ve-

venerat, & qui Sardiniae primum Regis, deinde Hungariae Reginae patrocinio suscepto, Austriacis hac de causa partibus inserviebat: adest etiam Comes Tunius Episcopus Gurcensis, & Abbas Franchinius Tavianus Pistoriensis, magni Etruscorum Ducis Legatus, cum militaribus viris de bello togati homines consulturi. Variæ dicuntur sententiæ: disputatur. Cum Legati, cæterique copiarum Præfecti, qui conventui intererant, a Lobcoviczio cupidius dissentirent quam tempus postularet, atque e concilio indignantes confurgerent: comprehendit illos Alexander Albanus, & magnopere cohortatus rogat, dissensionum & controversiarum finem faciant, neu privatis similitudinibus publicam causam perditum eant: eadem agunt atque orant Tunius atque Franchinius. Discessum tamen a concilio est, ut tumultuatum potius quam deliberatum aliquid sit.

Interea dum hæc ab Austriacis geruntur, Rex Neapol'is ea spe lapsus, quod Austriacos, aut æquitate permotos sua, aut Sardiniae Regis periculo in alteram Italiae partem retractos, nihil quidem contra se in præsentia ausuros esse arbitra-

ba-

batur, consilio omni quietis & cunctationis abjecto, hostibus quam maturime occurrere instituit. Itaque, nondum hyeme confecta, duas ex Hetruria sua legiones accessit, reliquas ex hibernis deduci, armari, supplerique, & convenire statim jubet; quasdam continenter præmittit, quæ ipsa sui adventus fama hostem interim demorentur, si, per causam insequendi Hispanos, eruptionem in Regnum Theatem versus facere contendant; quod collectis junctisque ratibus ad efficiendos in Truento pontes, & præmissis nonnullis Hungaricis Equitibus, conari identidem minabantur. Ipse equitatu studet, frumentum, milites, pecuniam imperat. Imperata libentissimis animis Neapolitani faciunt, atque hoc etiam majori diligentia, quod summo opere cupiebant remove ab se infidelitatis suspicionem, quam fidelissimæ Civitati, temere multa Austriaci jactando, conflaverant. Portum Neapolis novis jam, ut diximus, extructis propugnaculis, ne quid a mari hostibus pateret, & dispositis præfidiis tormentisque muralibus communi-re festinabat. Præterea naves bellicas duas, quinqueremes quatuor, totidem-

que

ne biremes, & magnum actuariarum
 numerum expediri jubet, quæ pro Cajetæ
 ore portuque in statione sint, & au-
 lia exercitui commeatusque, si opus
 erit, subvehant. Dat prudentissimis ho-
 minibus negotium, ut absente se Rem-
 publicam suscipiant atque administrent,
 que Michaeli imprimis Retio classis
 prefecto commendat; ad quem, non tam
 propter viri dignitatem, quam propter
 regiam in moderando populo facilita-
 tem, totius Urbani Imperii summam re-
 cere Rex voluerat. Cum vero dubiæ
 rei insimulati plures in vinculis habe-
 tur, & tali in tempore lenienda po-
 s quam exagitanda populi vis videre-
 , solvi eos extemplo, liberosque ab-
 jussit. Quo facto magnam a populo
 erisque ordinibus gratiam iniit, im-
 bosque ipsos, tantæ mansuetudinis
 miratione obstupefactos, repressit ab
 ni conatu novorum consiliorum. Ipse
 hostem proficisci constituerat, ma-
 am Regium nomen in bello vim ha-
 e existimans, eoque & hostes ter-
 , & suos incitari, & Ducum usita-
 æmulatione imperii minui contro-
 E ver-

verfias, intelligebat : fimul, fi quid durius domi forifve accidiffet, tutiorem multo inter armatos atque apud fuum exercitum fore fibi locum videbat. Accendebatur etiam Philippi Fratris exemplo, qui iifdem temporibus in Taurinis magno fortique animo cum Rege exercitatiffimo gerebat bellum; & dicebatur per eofdem dies a Philippo Patre, militarium facinorum cupidiffimo Rege, incitatus per litteras ad bellicam fortunam, propriamque Borbonii generis laudem. Igitur domi rebus optime conftitutis, atque omnibus ad profectiorem comparatis, Civitatis Primoribus convocatis, Rex fele ad hoftem iturum, & Reginam interea cum liberis Cajetæ quietiori in loco futuram pronunciat. Tum vero, hoc audito, procumbunt Regi ad pedes Neapolitanæ Civitatis Principes, & multis precibus orant atque obfecrant, fi ipfe abefle cogitur Reipublicæ cauffa, Reginam quoque difcedere ab ipsis ne patiatur: maximo hanc rem Neapolitanis hominibus non dolori tantum, fed etiam dedecori fore, cum videri poffit aliquid Neapoli fubefle, quod cavendum Reginæ

vi-

vitandumque fuerit. Enimvero Rex negat, Conjugis suæ, quæ gravida sit, valetudinem pati, ut gravius etiam fatigetur Imperii occupationibus, iisque rerum incertis, quæ turbata pace in magna facilius multitudine accidere possint: bono essent animo, neve ad injuriam interpretarentur facta, quæ alia omnino justaque de causa fierent. De eorum autem fide eos se minus dubitare dicit, quo magis perspicuam ipsorum erga se voluntatem videat; & videre ipsi possint, nullum sese pro eorum incolumitate periculum recusare. Hortatur denique, quando de ipsis non male meruerit, suum ut honorem ab hostibus defendant, & necessaria conferre ne graventur ad justissimum bellum, quod non intrulerit ipse, sed propulset illatum. Equidem quo mea me dignitas, & vestra salus vocat, abeo, inquit; at quæcumque acciderit fortuna, utinam, cives, saluti vestræ consulere possim! dignitati meæ certe consulam. Ad hunc orationis exitum flentibus omnibus, qui aderant, cum Coniuge & liberis discedit Rex. Discedentem lacrymis votisque prosequitur infinita homi-

num multitudo, quæ subitæ profectionis nuncio commota (emergebat enim tum maxime dubiis in rebus erga mitissimum Regem populi amor) jam ad Regiæ domus fores convenerat, & longo perpetuoque agmine suburbium usque, fora viasque omnes oppleverat, Regis discessum, suam mœrens solitudinem. At Regni Principes, quibus major a dignitate metus erat aut spes, eandem plerique cum Rege fortunam adire parati, in belli illum labores ac pericula comitati sunt.

Neapoli viii. Kal. April. profectus, Capuam eodem die venit. Postridie Regina, Legionis Italicæ, & Legionis Helveticæ Prætorianorum parte, & quinquaginta Custodibus Corporis stipata, Cajetam cum liberis concedit: Rex Vulturum amnem non longe a Venafro ponte transgressus, quem ipse pontem jampridem e lapide extrui ad ornatum commodumque regionis jusserat, Venafrum altero a Capua die pervenit. Apenninum inde superare instituit, qua id jugum, cujus dorso tota Italia dividitur, a Campaniæ finibus in Vestinos excurrit, & cum Apulia continens est ab ea parte, quæ

quæ spectat in orientem solem. Loca-
 erant ardua, aspera, præruptis rupibus
 confragosa, ipsoque anni tempore horri-
 diora; & vere incipiente plurimæ cœlo
 nives deciderant, quæ veteribus cumula-
 tæ iter impediabant usque adeo, ut, quam-
 vis discussa nive glacieque, incedere ta-
 men sine casu aut prolapsione aliqua-
 miles non posset, & per præcípites sæpe
 lubricasque altitudines provolverentur
 jumenta cum oneribus, intolerandaque
 frigorum vi vexarentur homines, & exa-
 nimarentur etiam aliquot. Tantis in dif-
 ficultatibus nihil tam militibus faciebat
 animum, quam Regis exemplum, quem
 eadem a cœlo locique asperitate per-
 peti, eisdemque alacri vultu excipere
 videbant labores, ad quorum patientiam
 assiduo ipse venatu obduruerat, & regio
 animo pericula omnia minora ducebat.
 Maxime igitur difficili via per Rivi ni-
 gri Montisque Vallonii saltus ad Castel-
 lum Sangri proficiscitur. Oppidum est
 opportuno loco situm, nomenque a flu-
 mine habet, quod prope oppidum labi-
 tur; cui quidem oppido Rex non ita-
 pridem civitatis nomen & jura dedit,
 ut

ut Dominae Loci Familiae vetustissimae Caracciolae gratificaretur; utque perpetuo constaret, non invitum ipsum ibi Regem mansisse. Sed Rex partem jam copiarum præmiserat per latissimam, ut in montibus, planiciem, (quinque enim millia passuum in longitudinem patens, a mensura nomen accepit) iisque imperat, ut, adventante hoste, Hispanis celeriter subsidio irent: ipse cum reliquis copiis, modico intervallo, suis Hispanisque auxilio futurus subsequebatur. Sed cum hostium impetus languescere videretur, atque ejusmodi languoris causa ignoraretur adhuc, Rex ad Castellum Sangri subsistere interea constituit, hæc spectans: Si Austriaci a Piceno sese in Vestinos effunderent, ipse ut Hispanorum exercitu statim conjuncto validior hostibus occurreret, ibique decertaret, ubi facilius coercere ipsos propter locorum iniquitatem posset, eademque ratione equitatum ipsorum, quo multum valebant, ad rem gerendam inutilem efficeret: sin regionis natura, oppositaque Aterni arce, & duorum exercituum conjunctione deterriti tenerent sese, neque progredi

au-

auderent, tum ut ipse quoque sedens itinera hostium circumspectaret, quæque apud ipsos gererentur, cognosceret, & consilium pro tempore & pro re caperet. Interim certos homines circum finitima loca miserat, qui de re frumentaria providerent, vecturasque Civitatibus describerent, curarentque, uti facile & continenter necessaria ad exercitum comportarentur. Quidquid etiam Truentum Lirimque amnes interjacet, atque Asculanorum & Fregellanorum fines attingit, id omne præsidiis occupaverat, & maxime quacumque penetraturus hostis videbatur; atque ita militum manus per præsidia disposuerat, ut colligi & signo dato convenire in unum extemplo possent. Hæc apud Regem belli ratio erat. At Romæ Trojanus Aquaviva Cardinalis, Hispaniarum Neapolisque Regum ad Pontificem Maximum Legatus, cum bellum in vicinia arderet, & plurima, ad bellum quæ pertinerent, inter Austriacarum partium fautores in Urbe agitentur, impigre omnia prudenterque attendebat. Tantum autem poterat consilio, gratia, auctoritate, diligentia, opi-

opibus, nihil ut Austriaci Duces in castris, nihil Romæ Legati molirentur, quod ipsi lateret in tempore. Per hujus igitur viri literas Regi renunciatur, Lobcoviczio esse in animo, deposito his de causis, quæ supra demonstratæ sunt, invadendorum Vestinorum consilio, bellum in Cassinatem transferre, indeque commodiore itinere Neapolim petere, maxima cum spe, quin vani etiam rumores alant, fore ut per occasionem & propinquitatem exercitus sui Campania omnis, ipsaque arx & caput Regni Neapolis ad rebellandum consurgat; qua in rerum perturbatione, inclinantibus nonnullis ad Austriacum nomen, novasque res, valde illum confidere probam sibi potiundi Regni occasionem dari posse. Hisce Rex cognitis rebus, copias omnes suas a Vestinis iter avertere, atque in Cassinate contrahi, eoque Hispanorum etiam exercitum per Celanensem Soranumque agrum contendere jubet: ipse a Castello Sangri Idibus Aprilis profectus, in Campaniam regreditur; & cum Venafri propter rationem belli aliquot dies esset commoratus, eodem fere tempore, quo

quo sese a Piceno Lobcoviczius commoverat, & jam per Umbriam suas copias transducere cœperat, ipse ad Sangermanum Cassinatis agri oppidum, & Marci quondam Varronis doctissimi hominis villam, pervenit. Quo cum in oppido Rex esset, Hispaniensis ac Neapolitani exercitus Ductores primos, qui eodem venerant, consulere de bello cœpit, eique consilio interfuit etiam Mutinensium Dux, constanti erga Borbonios fide clarus; neque abfuit Montallegrius, quem auctoritatem apud Regem habere diximus, & qui ex gravi morbo in itinere suscepto tum primum convaluerat. Erant nonnullorum sententiæ, qui Regem ad Regni fines opperiri Austriacos arbitrabantur; nam Cassinatem saltum custodiri ob loci angustias facilius posse ajebant, & melius domesticis copiis rei frumentariæ ali exercitum, quam aut in aliena terra quæsitis, aut longe comportatis: populares autem, si quid intestini motus timeatur, vel nihil moturos Regis præsentia coercitos, vel acrius etiam pugnatu-
 pro patria in conspectu suorum. At Gagi-
 us, de quo supra diximus, Hispano-

rum Imperator, non expectandum esse dicebat, dum hostium irruptione domestica quies obturbaretur, & populares, quocumque animo essent, irritarentur agrorum populatione, cæterisque belli cladibus: quam longissime a finibus submovendum esse hostem, turbarum & seditionum spe appropinquantem: neque de comitatibus desperandum, quorum eo majorem in dies copiam affuturam, quo magis integræ a belli vastitate Provinciarum opes fuerint: hostes ipsos multum animorum atque audaciæ demissuros, cum videant exercitum nostrum, non modo non cedere eorum adventu, sed etiam propius accedere; fortiores enim videri semper qui provocant. Tantum esse militum, tantum in militibus virtutis, ut non quærendis latebris salibusque, sed apertis viribus atque acie dimicari possit. Postremo Regis dignitati consulendum, cui quidem magis ad gloriam conducere videatur obviam hostibus ire, quam domi sedendo eorum impetus excipere. Gaglii oratio momenti habuit plurimum ad persuadendum, & propter auctoritatem viri, militari favore lon-

longoque tot bellorum usu partam, & quia utilior Regi atque honorificentior visa est; plerisque etiam, ut in bello, ferociora placebant. His agitatibus rebus continuo Rex a Sangermano discedit, iustoque itinere Arpinum, atque inde Verulas, mox Anagninam pervenit. Anagnina Ernicorum in Latio oppidum est, editiore in colle positum. Subjecta oppido planities est satis magna, quam undique montes cingunt. Castra ibi Rex facit pulcherrimo aptissimoque ad copias explicandas loco; atque ibi primum cum Neapolitano exercitu Hispaniensis conjungitur, unaque bellum administrari coeptum est. Erant Hispaniensis exercitus Legiones peditum undecim, Equitum alæ tres, magis robore quam numero præstantes, quippe quas admodum extenuaverant itinera, præliaque, & perfugarum frequentia. Erant præterea quingenti ferme excellenti virtute Equites Regii, hisque adjecti erant tercentum, quos custodiæ suæ causa Mutinensium Dux habere instituerat, & lecta Hungaricorum Equitum turma, qui ad Hispanos superioribus annis transfugerant. Hi-

spaniensi Equitatu præerat Atrisci Dux, qui manu promptus feroxque habebatur. Præcedebant agmen Montani pedites ferentarii, audax ad procurfiones genus, & nihil minus quam hostem mortemque metuens. Neapolitanum exercitum duodeviginti peditum legiones, Equitum alæ quinque conficiebant; si Provinciales legiones quinque modo conscriptas excipias, veteranæ omnes, expeditionibus, atque altero jam Italico bello ad Scultennam exercitatæ; earumque plerasque omnes Regi Filio Hispaniarum Rex concesserat. Hujus exercitus imperium permissum erat Castropiniani Duci, quem e Gallica legatione accersitum propter bellicam laudem suis Rex copiis jampridem præfecerat. Erant etiam machinæ castrenses, tormentaque omnis generis, quorum magnam partem summa adhibita celeritate adduxerat in Castra Comes Gazola Præfectus Fabrûm Regis Neapolis, & qui inter arma studiaque versatus, singularis erat propter Mathematices notitiam, in re militari præstantiæ. Conjunctis copiis, lustrato exercitu, donativoque militibus dato, tanta exarsit alacritas studium-

diumque pugnandi, ut cum Rex equo circumveheretur castra, læti omnes ad aspectum Regis conclamarent, expectari diutius non oportere, quin ad hostes iretur, utque ad hostes ducerentur, magnis crebrisque vocibus peterent. Rex postquam suos tam egregie animatos cognovit, postridie ejus diei Anagnia profectus in Labicanum agrum venit, castraque ad Valmontonium, veteris Labici vestigiis insigne oppidum, locat. Quatriduum ibi moratur, dum cibaria ad exercitum subvehuntur, quibus non satis provisum esse dicebatur. Interea jubet, necessariis tantum retentis, reliqua impedimenta dimitti, quo milites ad præliandum expeditiores occurrant hostibus. Statuerat enim hostes adoriri, & militum alacritate incitatus, & quod illos impari numero etiam negligentius agere, sciret. Id si ea esset celeritate factum, quæ multum in bellis potest, opinio fuit, mari Austriacos exclusos, omnibus circa regioibus partim exinanitis, partim ab Hispaniensi & Neapolitano exercitu præoccupatis, frumenti pabulique inopia compulso, aut iniquo & tempore-

re-

re & loco decertaturos fuisse, aut sese unde venerant recepturos. Cujus tantæ rei occasio pulcherrima corrupta est paucorum dierum mora, quibus diebus ad Valmontonium moratur Rex cibariorum causa. Tam parvo sæpe tempore tantæ in bello commutationes fiunt. At Loboviczius, quem ad Falerios Faliscorum concilium advocasse supra ostendimus, de Regis consilio conjectura judicans, & de itinere certior factus, omiſſa omni disputatione, maturandum sibi existimavit, & maritimis Romanisque comœtibz timens, magnis Romam versus itineribus contendere cœpit. Iisdem diebus præmiserat Rex cum parte copiarum Atrisci Ducem, qui Tyberim cæteraque ad Urbem loca exploraret, frumentum pabulumque omne, ne cui hostibus usui esset, aut aveheret, aut corrumpere, atque omnem alendi exercitus, & longius progrediendi, quantum posset, facultatem hostibus eriperet. Præmittit etiam explorandi causa Præneste Morillii Comitem Sanctacrucium, Draconum Tarraconensis alæ Præfectum, omni virum & virtutis & nobilitatis laude præ-

præstantem. Hoc vero magis Lobcoviczius properare, ut cum exercitu quamprimum ad Urbem esset, ne Roma, unde illi omnium rerum spes, marique ac flumine Tyberi prohiberetur; neve horrea, quæ ad Eretum constituerat, occuparet hostis aut perderet. Itaque Vogthernium Instructorem exercitus cum expedita Illyricorum peditum atque equitum Hungaricorum manu misit, qui frumento pabuloque, atque horreis consuleret, antecursores hostium reprimeret, pontem ad transducendas copias in Tyberi efficeret; ipse cum exercitu statim subsequitur. Qua re cognita Atrisci Dux paulatim ad Regem sese recipere cœpit, cum plus Austriacis terroris quam damni intulisset. Lobcoviczius omnibus copiis Tyberim transductis ad Eretum pervenit, castraque ibi idoneo loco ponit. Ereti paucos dies dum Lobcoviczius moratur allevandorum militum causa, quos continens iter defatigaverat, plures Roma omnis generis atque ordinis homines confluerant in castra, propinquitate, exercitus & novitate rei invitati. Alii studio partium, alii bellorum incitiam

de

depravati, communi etiam vitio naturæ, cui nova quæque potissimum arrident, in maximam cujuscumque rei admirationem rapiebantur. Nonnulli ex barbaricis vestibis immanique verborum sono militum vires atque animum æstimabant. Omnes denique numerum copiarum, ordinem, robur mirari, laudare, nullum esse dicere, nedum Neapolitanum exercitum, qui tantæ tamque invictæ multitudinis aspectum modo ferre possit. Horum admiratione atque vocibus mirifica accessit militibus Centurionibusque, & cæteris copiarum Præfectis opinio victoriæ, & nostrorum contemptus, sic ut paucis diebus sese Neapoli futuros jactarent; atque Austriacarum partium aliqui Romæ, quasi debellatum jam foret, de belli præmiis cogitarent. Ipse Lobcoviczius, qui spei magis causam quam spem ipsam attenderet, confirmator tamen in dies atque alacrior videbatur, vel præsentium adulatione sublatum, vel ne aliquid militum fiduciæ non ita lætus Imperatoris vultus detraheret. Instructo igitur & confirmato exercitu, recensitroque copiarum
nu.

numero ab Ereto progressus, trajectoque Aniene binis Castris ad oppidum venit, quod C. Marii septies Consulis suburbantum fuisse ajunt. Rex, comparata tandem re frumentaria, a Valmontonio cum omni exercitu profectus est eo quo diximus animo, ut Suburbana præoccuparet, atque hostes, si ferret occasio, adoriretur. Cumque millia passuum quatuor fere processisset, nuntiatum est ei, non longe Austriacos abesse, fierique posse, ut in itinere dimicaretur. Id ne accideret, magnopere sibi præcavendum esse Rex existimabat; namque periculosum ducebat inter silvas atque intercisos vallibus colles objicere prælio milites, itinere, jejunio, imbre confectos. Acciderat enim repentinum imbris incommodum. Tormenta etiam ad prælium necessaria neque facile convectari, deterrima & lutulenta via, neque recte administrari per impeditos sepibusque obseptos campos poterant. Ergo subitum pro tempore & loco consilium capit: retorqueri agmen a Tusculano, quo iter direxerat, Velitrasque occupari jubet. Velitris occupatis, tumultuose confidet exercitus

G

citus

citus, magis ut temporis angustia, quam ut rei militaris ratio postulabat. Erat enim persuasum, non manendi animo castra ibi fieri, sed ut aliqua militibus quies daretur; omnesque profectionis postredie signum expectabant, neque de Tusculano spem cogitationemque abjecerant. Interim Lobeoviczius ad Urbem cum esset, salutandi Pontificis causa, compluribus Tribunis militum, primisque ordinibus comitatus, Romam ingreditur, tota undique ad adventum ejus effusa Civitate. Certe multitudinis favore & cupiditate visendi Imperatorem, fama jam & praesenti expeditione clarum, celebratus adeo fuit ejus in Urbem introitus, ut nihil ei ad triumphum illo die, praeter victoriam, defuisse videretur. At ille nihil rerum vanis occupatus ad exercitum eodem die rediit, motisque a Mariano Castris, omnique hostibus suburbano exclusis, ad Aricinum nemus processit, & validam manum ante misit, quæ loci naturam propter interjecti nemoris latebras difficilem cognosceret, & qua in regione hostes versarentur, quodve iter cogitarent, exploraret. Eadem qui cognosce-

ret,

ret atque exploraret, præmissus ab Rege fuerat, cum peditum atque equitum parte Joannes Ferreria Castrorum Præfectus. Hic cum hostium exploratores in ipso nemore atque itinere offendisset, levi commissa pugna, & nonnullis utrinque vulneratis interfectisque, maturius sese ad Regem in castra recepit; eodem omnino tempore, quo jam Pyrochitrophorum Centuriæ, stationesque exercitus omnes accelerabant, ut cedentibus auxilio succurrerent. Postero die Rex Draconum Equitum, delectorumque peditum manum expeditam esse in armis jubet ad Tusculanum, (& Tusculanum jam occupaverant Austriaci) eamque regionem omnem explorandam. Ecce autem dum hæc ab Rege administrantur. repente in supercilio montis, qui Velitris Castrisque Regis imminebat, apparere hostes incipiunt, horribilemque e superioribus locis speciem præbebant, longe lateque armis a sole collucentibus, atque instructo agmine descendentes. Rex improvise hostium adventu nihil permotus, productis omnibus copiis, equitatu & peditatu idoneis locis collo-

cato, militibus Ducibusque ad virtutem & fidem incitatis, quid hostes consilii caperent, forti magnoque expectabat animo. Lobcoviczius propius summo e monte conspicatus Regis copias, inviasque convalles, quæ inter suum atque exercitum Regis intererant, perterritus demum difficultate rei, nihil existimabat committendum temere. Itaque tenebat sese. Cumque uterque utrique fuisset exercitus in conspectu sub armis continenter a prima luce prope ad meridiem: primi Austriaci abjecto, ut videbatur, rem prælio decernendi consilio, montem, quem infederant, præsidio, aggeribus, tormentisque munire cœperunt; qui mons inter duorum exercituum Castra medio fere spatio eminebat. Rex ubi videt per Lobcoviczium stare, quominus pugna decertetur, castra & ipse communire instituit, quæ aberant a castris hostium circiter millia passuum quatuor. Castra autem hostium a lævo latere negligenter posita videbantur, dissipato potius quam descripto per Aricini nemoris saltus exercitu: in dextro oppidum Lanuvinum versus majorem Equitatus

tatus partem Lobcoviczius collocaverat, quo facilius in agros excursiones faceret, pabulatores interciperet, & commeatibus, si posset, a mari Neapolique Regios intercluderet; ipse in oppido Nemorensi Prætorium constituerat.

Erant interea Italiæ totius animi atque oculi in utrumque intenti exercitum: neque enim majoribus umquam copiis, majorique partium studio Neapolitanum Regnum oppugnatum defensumque esse constabat: aliique alio trahebantur homines, ut cogitarent quid Carolo Regi, quid Austriacis, quid Neapolitanis, quid porro Italiæ omni accideret. Verum tanto discrimini, quod exercituum propinquitatem admaturari videbatur, repugnabat natura loci, & eorum consilium, qui summæ rei præerant; innataque etiam mortalibus trepidatio, qui, quo propius ad supremum rerum suarum certamen accesserint, eo longius a tanto fortunæ periculo abhorre animo videntur. Namque Rex, ne hostium castris succederet, impendebatur editioribus locis a Lobcoviczio præoccupatis, Aricini-
que nemoris angustia: ne autem Lobco-
vic-

viczius in Regis castra irrumperet, prohibebatur vallium altitudine, majoreque Regis exercitu, quem etiam a machinis castrensis tormentisque omnibus multo esse paratiorem explorando cognoverat. Et locus, ut ad prælium committendum difficilis, ita erat opportunus utrique ad commeatus parandos, atque a copia cibariorum dimicandi irrepererat negligentia. Roma Lobcoviczio & mare omnia subministrabant; nihil Regi deerat, cum Neapolim post se & Campaniæ haberet uberrimam illam oram. Regem præterea domestica aliqua seditione revocatum propediem iri confidebat Lobcoviczius, Regios item milites, ut Provinciales, & modo conscriptos, periculorum metu & militaris disciplinæ tædio dilapsuros. Neque meliora Lobcoviczio futura esse sperabat Rex, cum apud ipsos Austriacarum partium homines ille offenderet cunctatione, seditionis consiliis adversaria maxime; cum de Sardinia Rege, deque Austriacis trans alpes & in Gallia Cisalpina duriora indies nuntiarentur; cum pestilens in palustribus agri Romani locis Sextilis mensis in-

instaret, qui Austriacum potissimum exercitum e saluberrimis Germaniæ regionibus valetudine tentaret atque consumeret. lis uterque de causis, commutata belli ratione, prælio abstinere velle videbatur, atque expectare beneficium temporis, quo alter ad alterum opprimendum uteretur.

Quoniam ad hunc locum perventum est, non alienum videtur notitiam afferre aliquam Veliterni oppidi atque agri, in quo & sua Rex castra habebat, & eas uterque exercitus res gessit, quas conscribendas suscepimus. Ipsum est oppidum in colle præcelso atque edito; utrinque convalles sunt difficiles, vitibus tamen atque oleis convestitæ omnes pulcherri-me. Summam occupat oppidi partem, conversam ad Aquilonem Curia, pauloque infra Curiam Minoritarum Cœnobium est, quod ipso semirutorum mûrorum oppidi ambitu cingitur ab ea parte, quæ spectat inter occasum solis & septentriones. Totum autem oppidum, multis transversis distinguitur viis, sed una præsertim paulo latiore ac perpetua, quæ a porta incipit, quæ Neapolitana appellatur, in eamque desinit, quam

Ro-

Romanam vocant. Propter hanc viam quatuor sunt Plateæ, earumque maxima non longe a Romana porta distat. In ea & fons est ornatissimus, qui, aqua ab Aricino usque nemore ducta, ubertim sane fluit, & domus est Ginettiae gentis, in qua ipse diversabatur Rex. Additi domui horti sunt, per quos patet ab una parte aditus ad viam Syrmonetam versus, isque aditus, interjecta convalle diremptus, lapideo rursus ponte hortis adjungitur; pontique erat militum praesidium impositum. In altera hortorum parte, quæ item alteri, qua Valmontonium itur, viæ ponte adjungebatur, tignis atque aggere extemplo constrato, cohortes erant duæ Prætorianorum legionis Belgicæ. Ipsorum autem e regione hortorum, Romanæque portæ, sub tumulo, cui Capuccinorum insidet Cœnobium, constituti erant Equites Regii, & Custodes Corporis Mutinensium Ducis: tormentorum præterea machinarumque omnium bellicarum sedes. Dextrum Regis castrorum cornu, quod Artemisio (sic enim nominant) monti succedebat, Legiones obtinebant prætoriana-

no-

norum, Hispaniensis, atque Italica, validissimum Regiæ militiæ robur: sinistrum autem, Neapolitanæ portæ, muro, ipsique oppido conjunctum, Equitatus ferme omnis tenebat, & veterana Hybernorum manus, Belgarumque prætorianorum cohortes quatuor, quæ in prima fronte constitutæ erant. Cæteræ copiæ, dextro sinistroque lateri, medioque agmini opportune interjectæ, omnem undique locum ita compleverant, ut Regiis castris oppidum contineretur; oppidi autem situ castra munirentur. Quæ ad Velitras regio est inæqualis, atque intercisâ foveis, ea non equitatui quidem, sed peditatui maxime idonea erat.

Non multo longius a Capuccinorum Cœnobio septentrionem versus continuatio est quædam montium, quorum alter altero editior assurgit, eorumque editissimus, qui ipse est Artemisius, cum Aricino Nemore continens est; pulcherrimumque habet & late patentem in omnem circa regionem prospectum. Qua vero ab Velitris longe millia passuum duo ejusmodi montium series assurgere incipit, duo sunt, quantum jaculum adjici potest, ad

H

dex-

dexteram viæ, quæ Romana dicitur, paulo depressiores montes: quorum alter vergit in castra hostium, & appellatur Spina, alter vero propius Velitras est, eumque hostes primo insedisſe diximus.

Hoc igitur Austriaci monte occupato, quem occupare nostri neglexerant, vel propter loci distantiam, vel propter subitam quam cogitabant profectionem, aliasve ob causas, quas commemorari non est necesse, illum illi e vestigio una fronte contra Regis castra comunivere, dispositis aliquot tormentis, præsidioque hominum mille imposito. Huic præsidio munitionique præerat Pistaluccius. Austriaci, ut erat e monte despectus in castra Regis atque oppidum, cum facile copiarum nostrarum motus omnes conatusque observarent, nihil in tanta propinquitate apud illos inexploratum, nihil apud nos tutum erat. Atque etiam frequentes fiebant excursiones, in quibus erat illis, uti loco superioribus, melior semper pugnandi conditio; stationes autem excubiæque nostræ quotidie peragitantur ictu telorum, quæ illi de munitione e tormentis identidem conjiciebant.

Si-

Simul nostris magis ac magis in dies castris appropinquabant, & domum, quamdam propter viam Romanam, quingentos non longe a Velitris passus, tumultumque occupaverant; stationeque inde Montanorum levis armaturæ peditum dejecta, ingentem jam in spem venerant, ita posse nos paulatim coarctari, ut vel loco excedere cogeremur magno cum, periculo tam propinquis hostibus, tamque subito instantibus; vel, si perstaremus, & affligerentur milites aquæ in maximis caloribus inopia, quod fontem, quem supra memoravimus, illi averterant, & perpetuis vigiliis misere conficerentur, quod esset nostris propter imminentem jam hostem continuo fere sub armis excubandum, quæ res & perfugas vulgo augeret & morbos; ipsi autem ulterius semper progredierentur, haberentque, maximas a loco superiore ad exercitum Regium aut fatigandum aut etiam pellendum opportunitates; idque futurum glorians apud suos Lobcoviczius dixerat, Romanque perscripserat. Quibus in difficultatibus cum versaretur Rex, consilia inibat, quemadmodum illos loco tam

opportuno depelleret, ac, ne ulteriora tentarent, reprimeret. Hæc deliberanti accidere visa est facultas rei bene gerendæ. Namque animadversum est, eam montium seriem, de qua paulo ante diximus, monti, qui a Pistaluccio tenebatur, impendentem, esse nudatam omni præsidio; vel quod situm valde utilem minime cognoverint hostes; vel quod, male parati ab omni genere tormentorum, tantum loci opere complecti non potuerint. Illud etiam per exploratores cognitum est, montem ipsum a reliquo Lobcoviczii exercitu abesse nimium; adeo ut invadi prius posset, quam Lobcoviczius auxilium submitteret, aut etiam sentiret. His cognitis, datum totius rei negotium Gagio est, cujus etiam fuisse consilium fertur. Gagus, exquisito per venatores quosdam itinere, & delectis ad hominum millibus quatuor, quorum pars omnibus hostes viis circumveniret, eorumque munitioni succederet; pars montium seriem illam peteret, quæ hostium præsidio impendebat: multa nocte silentio e castris egressus est, cum omnem interim exercitum ad omnes casus sub-

ne-

armis vigilare jussisset. At hostes, occupata, uti supra demonstratum est, propter viam Romanam domo direptaque, hoc successu feroces lætique nostros contemnebant, atque obruti vino, cujus magnam ibi copiam nacti fuerant, cujusque est gens avidissima, excubias obibant negligentius. Nostri autem cum albente jam cœlo in summum jugum, locaque iniqua virtute summa enixi essent, tam subito a fronte, a tergo, atque ab omnibus partibus eminens cominusque provolaverunt, ut hostibus ad arma capienda, telaque e tormentis explodenda tempus defuerit. Plures primo concursu in ipsis tentoriis ita, uti erant, jacentes ac semisomnes interfecti, aut capti sunt; reliqui, dum præcipiti fuga densiores sylvas petunt, aut ad suos se recipere conantur, a Regiis circumventi, qui omnibus occurrebant itineribus, projectis armis dediderunt sese. Unus etiam, qui fortissime resistebat, Tripsius Tribunus militum legionis Pallavicinæ, debilitato tamen vulneribus, & contrucidato corpore captus est, quem paucis post diebus apud nos mortuum honorifice effe-

ferri curavimus, admirati virtutem, cui necessario irascebamur. Ipse Pistaluccius subito in domo oppressus, quam pridie expugnaverat, non se ex manibus irrumpentium militum eripere potuit. Omni Gagus hostium capto delectoque praesidio, quinque ablati aeneis tormentis, potitus & monte, pro quo certatum erat, & omnibus, qui monti impendebant, jugis: tum deinde stationes exercitus promoveri, equitesque a parte oppidi Lanuvini circumfundere sese, & procedere iussit; atque ea fuit nostrorum celeritas, ut antequam fere duo tresve e praelio elapsi rem Lobcoviczio gestam renuntiarent, Lobcoviczius ipse omnia superiora loca nostrorum armatorum multitudine completa respiceret. Quare incertus & perturbatus, quo occurreret, auxiliumque ferret, quidque in quaque parte opus esset, vix cognoscere subito aut constituere dicitur potuisse. Jamque Regii, ingenti ubique illato terrore, Austriacorum castris appropinquare videbantur. Et Comes Marianus, Praefectus Fabrûm Regis Hispaniarum, quippe qui montem occupaverat, quem appellari Spinam, in-

inque hostium castra propius vergere diximus, tamquam e loco editiore impressionem jam facturus cernebatur. Tum vero turbatis Austriaci ordinibus, totis trepidare castris & concurrere coeperunt. Calones autem, lixæ, puerique, diversi dissipatique in omnes partes fugiebant; & mulieres, quarum erat in castris ex consuetudine Germanorum magnus numerus, loca omnia lamentatione & fletu complebant. Nonnulli etiam cum impedimentis ad Urbem usque Romam continenti impetu procurrerunt; & Romæ quidem trepidatum, occlusæque subitæ irruptionis metu portæ sunt: cum, motis semel nimium in terrorem animis, & fama rem, ut solet, augente, jam fugientium, jam insequentium pulverem videre sibi aliqui viderentur. Atqui potuisse eo die totum Lobcoviczii exercitum deleri, ne ipsi quidem Austriaci negant, si Hispani Neapolitanique institissent perterritis atque ad fugam spectantibus, oblataque ejus diei occasione usi fuissent. Sed nostri Duces, sive ipsi infidius veriti locorumque angustias, quod saltus vallesque intercedebant, sive quod

fi-

fixum jam apud Regem & constitutum erat, summam rerum in nullum dari discrimen, consecuti id, quod animo potissimum proposuerant, receptui repente cani jusserunt. At milites, præter opinionem revocati, ægrius recipiebant sese, cum ad invadendos hostes, tantulo spatio interjecto, exardescerent, ipsumque Ducum imperium carpebant in colloquiis, quo imperio celerem præsentemque victoriam interpellari dicebant. Hostes porro inopinato nostrorum receptu facultatem nacti colligendi sese, Spinam subito, unde profugerant, montem recuperarunt, atque operosa munitione circumvallarunt. Hunc nostri montem a Comite Mariano occupatum jam, nescio qua de causa, jussi erant deserere; tamen si teneri is propter loci opportunitatem omnium maxime oportere videretur. Neque enim hoc etiam a nostris obsesso monte, qui hostium castris tam ex propinquo imminebat, consistendi spatium illis fuisset. Postero die cum excelsiora etiam cæteraque amissa loca recuperare, eruptione facta, tentassent, magno a nostris cum detrimento repulsi sunt.

sunt. Lobcoviczius hac spe dejectus, &
 periculo coactus, ne suus exercitus, no-
 stris munitionibus præditiisque subiectus,
 tormentorum vi vexaretur, castra pau-
 lulum a lævo latere reduxit ac contra-
 xit, ipsumque prætorium longius ab op-
 pido Nemorensi in Cynthianum post
 Triviæ lacum removit. Rex montem,
 qui a Pistaluccio tenebatur, atque occu-
 pata etiam Artemisii montis juga, tribus
 insideri stationibus, & munitionibus fir-
 mari iussit; advectisque deinceps a Cajeta
 majoribus tormentis ollisque incendiariis
 offensari hostium castra, munitionemque
 Spinæ monti impositam labefactari impe-
 ravit; eique negotio Comitem Gazolam
 præfecit, qui adhibitis quingentis opera-
 riis, atque ipse ad opus excubans, cele-
 riter quod imperatum erat facere in-
 stituit. Imperavit præterea Rex, Syrmone-
 tam oppidum, quo in oppido faucii
 deponerentur, tormentis atque opere
 communiri, & Privernatem tractum con-
 tinuis observari custodiis; ne infesto ex-
 cursionibus itinere Neapolitano durior
 esset commeatum subvectio. Et sane
 omnium rerum copia terra marique a

I

Nea

Neapoli atque a portu Antiæ in castra ad Velitras comportabatur. Aquæ autem inopiæ, qua nos illi, interrupto fonte, in extremas compelli angustias crediderant, occurrebatur puteis subfossis, atque aquæ venis ubique diligenter exquisitis. Ita nostri satis tuto, ut videbatur, loco, atque ad omnia opportuno confederant.

Per idem fere tempus scripserat Loboviczius ad Præfectum Britannicæ Classis, quæ ad Insulas Stoecades, quæ sunt contra Olbiam in Gallia Narbonensi, stationem obtinere consueverat, aliquot a classe Naves abductas circummagi Cæjetam ac Neapolim versus juberet. Item Comitum Sororum in Vestinos ac Marucinos miserat, qui partem, quam illi attribuerat copiarum, in eorum fines introduceret, eo consilio, ut tentato pluribus locis Regno Regiæ vires distinerentur; simul sperans, populos navium atque copiarum adventu vel perterritos, vel incitados, labi ad seditionem facilius posse. Quæ seditionis spes, toties licet irrita, Austriacorum tamen animos detinebat adhuc. Et visæ quidem ex continenti Naves, quæ Cumanum littus lege-

bant,

it, inanem potius terroris speciem,
 um tumultus causam præbuere. Erant
 a militibus, quos in terram ad tur-
 dum ejicere oporteret, imparatæ o-
 ino, atque omnem illam oram præsi-
 diligenter adservatam, egregieque pro-
 naculis munitam offenderant. Mag-
 elius præterea Legatus, missus eo ab
 e hac de causa, omnes earum motus
 ulabatur, attenteque videbat, nequid
 a parte Regnum detrimenti caperet.
 poli vero quæta omnia & tranquillã
 t. Neque enim ullus unquam popu-
 ceptior Rex, neque Regi obsequen-
 populus, qui quo cupidius ad defe-
 nem sollicitari videbatur, eo impen-
 suam Regi fidem præstare, omnibus
 illum domi forisque rebus juvare
 ebat. Tanta est moderati lenisque
 erii vis. Interim Comes Sorous, in
 inos ac Marrucinos progressus, Thea-
 occupare conatus erat, atque Ami-
 um Interamniumque, & quosdam
 biliores vicos Regina Hungariæ Im-
 minis pollicitationibusque adjun-
 , ipsamque Amiterni arcem ad de-
 nem pellicere properabat, volitans

in tota Provincia lætus ac prædabundus. Sed ne hæc illi diutina esset lætatio, primum quidem Montani pedites effecerant non amplius quinquaginta, iique valetudinarii, qui præclare illum ab Theate rejecerant; & deinde Varga Castrorum. Præfectus, qui cum ducentis equitibus, & militibus aliquot Aterni præsidio deductis, impetum ejus retardaverat; & postremo Dux Vievillæus Legatus, militaris animi vir, qui Neapolitano equitatu præerat, & qui cum satis valida equitum, peditumque manu jussu Regis eo ab Veliternis Castris venerat, ne illius Provinciæ malum, neglectum si videretur, longius facili semper ad pejora exemplo manaret. Atque hic omnem subito adveniens Provinciam pacavit, compluribus interfectis, reliquis pulsus fugatisque hostibus, & nonnullis popularibus in vincula conjectis, qui in Regina Hungariæ verba celerius juraverant, quam ut coacti viderentur. Aliqui, dum sibi ex conscientia timent, aufugerant, in hisque Episcopus Interamnensis, qui fatuo quodam atque alieno a sanctitate muneris animo liberius adversus Regias partes locutus esse dicebatur.

Lob-

Lobcoviczius erat interim vehementer perturbatus, quod multa ac diversa cum esset expertus, nulla res successerat, & de concitandis populis, deque com meatibus intercludendis, & prohibenda omnino aquatione spem se fefellisse cognoverat. Profligato etiam Pistaluccii praesidio, & locis amissis editoribus, tantam esse rerum factam conversionem videbat, ut qui premere nostros arctius de loco superiore coeperant, ipsi modo nostrorum tormentorum telis misere premerentur. Ipse autem Lobcoviczius insolens male audiendi, valde angebatur, quod sua culpa & negligentia damnum illud Austriacis illatum esse nonnulli dicerent; propterea quod & non satis firmo praesidio locum illum a Pistaluccio teneri jussisset, & laboranti auxilium non submisisset in tempore, & juga summa Artemisii montis indefensa reliquisset; suam insuper cunctationem omnibus jam irrisui esse ex ipsius rei judicio suspicabatur. Qui enim magno nostrorum contemptu, magnaque celerrime potiundi Regni expectatione venerat, is triginta millium ab Urbe Roma itinere vix conf-

fecto circa unum modo montem tamdiu tamque longe a Regno hærebat. His de causis, & quod de Rege Sardiniae, deque Gallia Cisalpina gravior in dies metus instabat, multaque trans alpes accidisse Austriacis incommoda audierat, conandum sibi aliquid Lobcoviczius existimavit, quo & detrimentum sarciret acceptum, & sibi tandem in Regnum aditum patefaceret, & denique expeditionis suæ jam senescentis famam vindicaret.

Erat, si vera tacere nolumus, nostrorum castrorum lævum latus neque ita diligenter positum, neque munitum satis, neque etiam custoditum, ut rei militaris ratio & tam propinquus hostis postulabat. Nam equitatus, qui explicare se tam intercisis & angustis in locis non poterat, quique aliqua peditum manu contineri debuerat, continebat ipse Hibernicorum manum. Quæ quidem manus inter Oppidi muros atque equitum alas collocata, ad rem gerendam efficiebatur inutilis. Fanum autem Mariæ, quam Hortensem appellant, quod unum esse poterat sinistro lateri propugnaculum ante

te ipsa castra substructum, sepire nostri munitionibus neglexerant. Accessuros enim hostes ad hanc partem non putabant, tam longo ab eorum castris tamque difficili itinere, & impedito, si accessissent, receptu: atque ita sane videbatur. Omnis igitur illius exercitus partis salus in paucorum militum custodia quiescebat, qui noctu ad ipsum sese Fanum recipiebant, ibique excubabant, ut his oppressis facilis esse hostibus posset, brevis atque inopinatus ad castra aditus, ut accidit. Ipse erat locus opportunus insidiis propter convalles, quæ vitibus, uti demonstratum est, frondosisque arboribus convestitæ quamlibet militum manum occultare poterant. Atque hoc sinistri lateris vitium in omnium oculos incurrebat, & ut deprehendi etiam posset, hæc forte acciderant. Primum quod per eos dies Comiti Sevio Legato per indicem falso nunciatum erat, bifariam partitis copiis adesse hostem, ut sinistrum nostri exercitus latus invaderet: quo inani licet rumore admoniti non defuerunt, qui quod non contigerat, facile tamen contingere posse animadverterent, & dicerent;

rent; tum etiam quod Hungaricorum Equitum Vexillarius quidam non ita pridem captus ab nostris cum esset, palam dixerat, se esse cum undequadragenta equitibus missum, protegendî Comitîs Brounii Legatî causâ, qui castra Regis ab ea parte exploratum una cum militari Architecto venerat. Quæ res et si non levem nostris suspicionem inferre debuerint, & sermonibus omnium ferebantur, vicit tamen aut fortuna, quæ vel apertissimis in rebus prudentissimorum interdum hominum mentes obcæcat, ut dominetur ipsa; aut eorum sententia, qui eam castrorum partem, tanto ab hostibus intervallo disjuncta quoderat, fatis munitam, atque illis inaccessam arbitrabantur. Itaque quidquid illic munitionis desiderabatur, neglectum fuit. Accesserat huc, quod explorandi diligentia imminuta quodammodo videbatur, & diuturnitate ipsa, quæ plerumque remittit animos, & perpetua militum defatigatione, qui laborem aquandi ad quotidiana opera addebant; neque ejusmodi diligentia necessaria admodum existimabatur, cum item propter aquæ inopiam

piam a prima luce ad occasum usque Solis ducenti ferme Dracones ad fontem excubarent, qui Paganica dicitur, quique a lævo castrorum nostrorum latere tria circiter millia passuum aberat, atque unde observari facile poterant viæ, per quas Cynthianum itur. Hæc omnia plane nota erant Lobcoviczio, delata per exploratores, perque transfugas, & per quosdam sui exercitus minores Duces, qui captivi cum aliquot apud nos dies habiti essent indiligentius, data fide dimissi erant: & fortasse etiam per nonnullos Oppidanos, qui, sive odii, sive quæstus gratia omnia illi nostra indicabant. Lobcoviczius, his cognitis rebus, & consilio cum paucis primorum Ducum, ne res efferretur, communicato, lævam Regis castrorum partem, Oppidum, atque ipsam propterea, in qua Rex diversatur, domum patere docet insidiis, & repentinæ incursioni. Quæ ipse certis nunciis atque auctoribus compererit, ostendit. Tentanda etiam ab dextera Regis parte Artemisii montis juga, atque uno eodemque tempore in nostras munitiones irrumpendum esse demonstrat, quo faci-

K

lius



lius incauti, duplicique terrore distracti opprimamur. Audendum esse: omnia fore audentibus proclivia. Unum sese pro Imperatoris persona monere, orare eos pro gravitate negotii, ut quod fortuna consilium comprobare videatur, ipsi fide ac diligentia adjuvent, sciantque, in ejus diei eventu omnium laborum finem, victoriæque spem positam esse. Probatur res; tametsi primo dissenserit Comes Brounius, cujus supra mentionem fecimus, summi homo ingenii, & bellicas omnes a pueritia artes edoctus, qui neque satis virium ad tanta molienda suppetere, neque occultissime ad Regis castra iri, neque illinc receptum esse, præsentientibus Regiis, sine maximo detrimento posse dicebat; multoque commodius occupari posse arbitrabatur munitiones Regis, & montium culmina, si omnes in id unum copiae incumberent. Post ipse quoque dedit Brounius manus, aut obsequio erga reliquos, aut quod in asperis audacissimum quodque consilium optimum videretur. Igitur omnium, qui aderant, consensu totius rei ratio & tempus constituitur.

Pri-

Pridie illius diei, qui fuit dies ad iii. Idus Sextiles, tam audacis incepti memoria celeberrimus, animadversum est a nostris speculatoribus, partem quandam hostium copiarum ab dextero ipsorum cornu paulatim se movere, & progredi mare versus. Quod fieri ab iis commectus causa nostri suspicabantur. Jamdudum enim ad Ostia Tyberina aliquot Britannicæ classis naves consliterant, ut hanc forte suspicionem augerent. Sed Lobcoviczius longe alio spectans, latissimam pluribus atque inter se connexis stationibus regionem complexus erat, ne quis ad nos index erumperet, neu, Brounii Comitis iter dignosceretur. Qui una cum Novato Marchione consilii particeps, silentio prima nocte progressus est, militibus ipsis, quo ducerentur, ignaris, quorum delectorum equitum ac peditum erat numerus millium sex. Cum, omni circa prospectu tenebris ac vineis adempto, clam pervenisset ad fontem, qui juxta Mariæ Hortensis Fanum in ima convalle est, necessario agmen subsistere jussit, dum equitatum expectat, qui aliam, ut eo perveniret, ingressus viam, ignorantia loci,

longiore circuitu deflexerat : quod accidit incommodè. Lux enim jam appetens opportunitatem illis , tumultum nostris deminuebat. Nunciatur etiam Brounio, aufugisse militem. Quo ille nuncio vehementer permotus, Novatum, nonnullosque adhibet militum Tribunos, & quid agendum sit, celeriter consulit ; nam verisimile erat, tametsi non accidit (neque enim hic uspiam transfuga apparuit) comperto nostros per transfugam adventu hostium, in armis e vestigio futuros, insignemque ipsis illaturos cladem, quam imparatis nostris inferre illi cogitabant. Cum Novatus pedem referri, aliique alia censerent, neque satis quicquam, ut in subito casu, expedirent; tum Brounius, qui tantum inceptum tam parvo momento everti nollet, atque ardore quodam militari incitatus, Pergamus, inquit, jacta alea est: simul omnem militibus rem aperuit, eosque præmiis ac pollicitationibus cohortatus, cum jam advenisset equitatus, & luceret iam fere, signum, dat irruptionis. Accessere hostes illico, trifariam divisis copiis: facile vigiles, castrorumque custodes obtruncant, quod
eos

eos adorti essent occupatos in equis contra
 militarem disciplinam inexplorato
 curandis. Statim inde in nostrum lævum
 latus ab omni parte impetum faciunt.
 Nostri vix cognita vigilum cæde, conti-
 nenti hostium impetu, & rei novitate ac
 magnitudine perterriti perturbatique,
 passim cæduntur, passim fugantur. At
 Grimaus Barcinonensis, qui Reginæ
 Neapolitanæ Draconum alæ præerat non
 amplius quinquaginta ex terrore & fuga
 Dracones colligit. His imperat, ut ad pe-
 des desiliant, tentent extrema: excurrat
 interim aliquis, qui Hibernicorum manui
 denunciaret, ut celeriter subsidio advolet.
 Sed cum a fronte subire Austriaci non
 intermitterent, atque ab omnibus parti-
 bus circumfunderentur, & jacula accide-
 rent creberrima; non imperio in tumultu,
 non virtuti in multitudine hostium,
 locus esset, illi ipsi quinquaginta, qui
 amplius semihora, compluribus illorum
 vulneratis atque interfectis, audacissime
 repugnassent, pelluntur tandem; cum
 præsertim nullum aliud subsidium Hi-
 bernicorum manus submisisset, quam
 militum Provincialium centuriam, quæ
 ne-

neque paucos illos Dracones laborantes suo adventu confirmare potuit, neque ipsa hostium impetum tulit. Hac interim a quinquaginta Draconibus interjecta mora, equitum quidem turmæ recipere se ad lævam Romanæ viæ festinanter adeo cœperunt, ut plures, equis relictis, pedibus profugerent. Unus omnium ab hostibus circumdatus restitit Marsilius Senensis, Hierosolymitani Ordinis Eques, qui quadam occupata casa cum quadraginta equitibus, qui & ipsi, amissis equis, pedibus præliabantur, tantum animi fortitudine profecit, ut alæ suæ pecuniam publicam, Præfectiquæ impedimentum omne servaret. Hibernicorum autem manus adversus hostes constitit pro oppidi porta Neapolitana, quam, qui in statione ibi erant, inconsulto occluserant. Eodem tempore cohortes quatuor Belgarum prætorianorum, quæ in prima lævi lateris fronte castra habebant, cum tumultuario equitatus receptu, flexuosisque tramitibus impeditæ ad Hibernicorum subsidium adniti non potuissent, in Oppidum per dirutos muros ab ea se parte insinuarunt, in qua paulo infra Curiam

Mi

Minoritarum esse Cœnobium demonstravimus. Ita Hibernicorum manus omni auxilio destituta, cum neque in oppidum intrare occlusa porta, neque per latera se recipere, circumventa atque oppressa a multitudine hostium, posset, ferme omnis fortissime pugnans interfecta est. Ibi Magdonelius Tribunus militum, atque ejusdem manus Centuriones undecim, alique complures minores Duces occiduntur, qui partam Camposanctensi prælio & vetustate militiæ bellicam laudem hoc honestissimo mortis genere cumularunt. Dum vero nostri Neapolitanam portam defendere, conferto illi agmine irrumperere conantur, eodem vestigio temporis Rex a Marchione primum Villafuertio Castrorum Præfecto de repentina hostium incursione certior factus est. Nam Decurio Custodum corporis aut periculum non præsenferat, aut in tanta re Regem, credo, interpellare verebatur. Rex confestim gladio succintus, prosequentibus Purpuratis nonnullis, & Custodibus corporis stipatus, qui ad cubiculum ejus excubabant, postico egreditur domo. Cumque ab ea parte, qua Valmontonium iter,

per

per adjacentes domui hortos quinquaginta vix passus pedibus progressus esset. equum nactus, primum equites Regios prætervehitur, iisque ad sui defensionem jam exardescantibus, clare, ut nemo non exaudiret, Recordamini, inquit, vestri Regis, vestraeque pristinae virtutis, & nequid durius accidat, diligenter provide-te. Mox ad Capuccinorum tumultum evadit. Illum Dux etiam Mutinensium, & Marchio Hospitalius Galliarum Regis Legatus, & in exercitu Regis Neapolis voluntarius castrorum Praefectus, prosequiebantur. Qui quidem de quarta vigilia ad Artemisium montem una profecti, audita hostium irruptione, in oppidum properantes redierant de Rege solliciti, ad eumque sese in itinere aggregaverant, omni jam militari instrumento, quod apud se in oppido habebant, adempto ab Austriacis velitibus distractoque. Utriusque eo die & in adeundis periculis, & in suarum jactura rerum fortis constantque animus apparuit. Sed Rex ad dextrum cornu profectus, atque in media Hispaniensium prætorianorum legione consistens, quid ubique opus sit, forti
at-

atque erecto animo circumspicit atque imperat, nullum eo die scientissimi Imperatoris officium prætermittens. At hostes, Hibernicorum manu deleta, dissipato equitatu, equis suffossis & captis plurimis, sinistrique cornu tentoriis omnibus direptis atque incensis, impetu facto portam effringunt, custodibus nequidquam obtinentibus, & Nicolao inprimis Sanseverinate Bisiniani Principis fratre nobilissimo, qui dum fugientes milites alios increpat, alios manuprehendit, & consistere jubet, plurimis ipse vulneribus concisus jacuit, & pro occiso relictus est. Illi effracta porta, captisque militaribus signis novem, quæ ibi congesta raptim in unum repererant, tripartito iterum copias dividunt, quarum dextera pars in illam se viam immisit, quæ ad Ginnettæ gentis domum pertinet; sinistra ad Curiam septentrionem versus contendere cœpit; per latiore ac perpetuam illam viam, qua totum oppidum distingui diximus, media acies processit. Tali instructo agmine, & malleolis, quos secum ad Velitras incendendas tulerant, in proxima quaque versum tecta conje-

L

ctis,

ctis, magna strage, majore tumultu Oppidum invadunt. Oppidanorum multitudo insolens belli, abdita in penetralibus, aut ingenti terrore perculsa obstupescit, aut quem esse illum putat ultimum Patriæ suarumque fortunarum, diem misera detestatur. Discurrunt illi ubique cum ferro & facibus, obvios omnes armatos atque inermes occidunt. Scrutantur domos, nulloque discrimine nostrorum atque Oppidanorum bona diripiunt. Qui ex nostris forte in domibus erant, & prius intra parietes versari hostes viderant quam venisse cognoverant, ad unum omnes aut trucidantur, aut capiuntur. Ardens podagræ doloribus Comes Marianus confurgere de lecto statim jubetur, atque in equum illatus abducitur. Atrisci Dux ex semiustulata ac diruta domo vix elapsus, ad equites Regios, quorum erat Præfectus, equo citato contendit. Et jam majorem Oppidi partem ignis atque hostis, cætera omnia tumultus ac terror compleverat, adeo ut nemo esset tam fortis, quin tanta rerum perturbatione moveretur; cum præsertim, qui timorem plerumque consequitur,

tur,

tur, vanus deleti exercitus rumor percrebesceret. His tantis malis hæc fuere subsidio, quominus extrema acciderent: quod nostri tamen a fortuna deferi videbantur, animum omnino tamen non demittebant; illi autem effusi in rapinas, magis de præda, quam de reliqua victoria cogitabant.

Gagius cum primo mane vigilias circumiret, & tum forte ad Virtzianam manum, quæ in medio exercitu collocata erat, pervenisset, cognito lævi lateris tumultu, conclamari primo ad arma, deinde Virtzianam ipsam manum illuc celeriter subsidio jubet accurrere. Ipse fore id, quod accidit, suspicatus, ut ab dextero etiam latere Artemisii montis iuga munitionesque hostes tentarent, eo properat, satis in Castropiniani Duce præsidii esse existimans ad defensionem oppidi. Austriaci ubi jam suos in nostrorum castrorum lævum latus ipsumque oppidum irrupisse ex incendiorum fumis cognoverunt, quod tempus inter eos irrumperendi etiam ab altera parte convenerat, statim cum audacissimorum pedum millibus iii. bifariam distributis

L 2

mon-

montem occupant editissimum illum, quem cum Aricino nemore. continentem esse supra docuimus; &, qui in statione ibi erant, Montanos pedites facile inopinantes deturbant. His deturbatis, eadem vi alteram atque inde tertiam. stationem adoriuntur; quarum milites communicato vicissim terrore, & disiectis ordinibus regredi cœperunt. Cum jam haud multum abesset, quin nostris illi munitionibus potirentur, resque hoc etiam in loco ad extremum deducta casum videretur, Gagius veteranam legionem, quæ a Corona nomen accepit, & Campanam legionem Provinciale, cohortesque alias nonnullas eo statim occurrere, & auxilium ferre iussit. Tum vero atrox oritur prælium. Fit magna utrinque cædes. Ipse, qui toti negotio præerat, ejusque auctor præcipuus fuisse creditur, Dux hostium Andreasius vulneratur: aliqui ex nostris, aliqui ex hostibus comprehenduntur: suos quisque milites hortatur atque excitat: unum illud esse tempus, quo maxime contendere oporteat: nostri, nisi rem obtinuerint, de omni salute desperant: illi, si nostras occu-

occupaverint munitiones, se omnino vicisse existimant. Hic cognosci potuit, quantum ad incitandos milites eorum, qui præsunt, valeat exemplum. Nam Campanæ legionis milites, modo conscripti, primum quidem deterriti hostium multitudine, qui acrius de superiore loco instabant, ipsiusque loci iniquitate, quæ maxima erat, & quo eniti vix quisquam sine armis sineque ulla dimicatione posset, paulum cedere, parumque absuit, quin ordines perturbarentur. Postea cum ad Tribunum militum Ariciæ Principem, & Centuriones, suosque alios Duces ora convertissent, qui omnes, gravibus licet debilitati vulneribus, acerrimè pugnabant; horum ipsi exemplo erecti jacula exceperunt immiseruntque fortissime. Idem cum veterana legio Tribuno militum Alphonso Savallio & ipso vulnerato faceret, ne a tyronibus virtute vinceretur, hostium paulisper impetus tardatus est. At Rex, qui singula ex propinquo attendebat diligenter, cum suos premi animadvertisset, Joannem Paciacum opportunissime misit, qui cum legionis, quæ Regina Hispaniensis appellatur,

latur, cohortibus duabus inclinantes restitueret; eodemque tempore Gagius una ex parte Macedonicam legionem, quæ veterem eo die Macedonum gloriam æmulata est, unaque Parmensis manus centurias aliquot procurrare: ex altera vero Castellanam manum, quam Hispaniensium prætorianorum cohortes sequebantur, signa inferre iussit. Quo facto, tantus hostibus terror injectus est, quod circumveniri sibi videbantur, ut complures armis projectis sese per rupes præcipitarent, atque ita allisis ad saxa membris interirent: reliqui vero omnes pedem, qua possent ratione, referrent; desperatis præsertim subsidiis, quæ submittere illis Lobcoviczius nequaquam e re iudicaverat. Nostri autem, Macedonica potissimum legio, & Parmensis manus Pyrochitrophorum centuriæ, plus tertia hostium parte interfecta, tam audacter infecuti sunt fugientes, ut omnia juga Artemisii montis citissime recuperaverint, quæ illi suorum passim constrata cadaveribus reliquerant.

Quæ dum illic geruntur, Castropiani Dux, qui Oppido defendendo præerat,

erat, comperto Regem, cuius magnopere periculo commovebatur, exiisse jam ad dextrum cornu, ut quæ ibi opus essent administraret cum Gagio: ipse cohortes Belgarum prætorianorum quatuor, quas a Minoritarum Cœnobii parte sese in oppidum insinuasse antea diximus, adversus hostes eodem subeuntes ire jubet. Huc evocat Virtzianam manum a Gagio jam submissam initio tumultus, atque Helvetiorum prætorianorum partem. Reliquas Belgarum prætorianorum cohortes duas Placido Sangrio Legato imperat uti a Ginettia domus hortis in oppidum deductas mediæ ingruentium hostium aciei opponat. Harum partem atque una Flandrorum manum, quæ in proximo erat, & castrenses machinas duas Facardo Castrorum Præfecto adtribuit. Cum his mandat, uti eam teneat viam, quæ ad Ginettiam pertinet domum, & quæ etiam hostes progrediebantur. Regionum equitum turmam subsidiariam in maxima oppidi platea instruit. Sic nostris quoque copiis tripartito divisis, tribus locis concurritur. Minoritarum Cœnobium, Curiam, omnemque illam oppidi partem

rem summam ad aquilonem conversam; obtinere hostes conabantur, & succedebant insolenter. Attamen a nostris, qui catervatim per compita, ut a viris fortibus in extrema spe salutis pugnari debet, acriter pugnabant, loco tandem pelluntur, & multis utrinque interfectis, ex iis autem captis centuriis integris duabus, pedem coguntur referre. Eandem ab altera parte fortunam ii culere, quos Ginettiam petentes domum urgebat Faccardus, & consistere nusquam patiebatur. Sed longe vehementissime in latiore oppidi via ad mediam aciem laborabatur. Namque hostium pars domos ingressa e fenestris ac tectis jacula in nostros conjiciebat, suosque reliquos per viam audacter progredientes, & cædem facientes maximam protegebat. Cumque nostris nocerent plurimum, quod nullum e fenestris jaculum frustra mitteretur, noceri autem ipsis, qui a muris ædificiorum defendebantur, vix posset, eo jam ventum erat, ut triginta non amplius passus a maxima oppidi platea hostes abessent. Quorum audacia præliique angustius permoti ipsi Belgæ prætoriani, etsi nullam
da-

ant fugæ suspicionem , lente proce-
ant tamen . Eo tum advenit Comes
ortius Legatus, qui in eadem Belgæ
prætorianorum legione ordinem du-
at, singularis animi vir. Hic videns
minere hostem, suosque ægre proce-
e, Quid cunctamini, inquit, commi-
nes? aut quod tempus probandæ vir-
s vestræ expectatis? hic dies maxime
trum nomen illustrabit. Hæc eloquu-
, districto gladio præcurrit ante omnes.
quuntur hunc redintegratis animis mi-
s centurionesque . Ipse adhortans
pugnans Bofortius graviter in adver-
n pectus jaculo vulneratur . Non ta-
en desistit, quoad jam semianimis per
nus tractus extra aciem refertur . Tum
ro tanti viri casu irritati Belgæ præto-
ni in hostes ardentissime irrumpunt;
nulli, allatis securibus, domorum
ortas excindunt, atque omnes ibi re-
ignantes interficiunt .

Mutatur belli fortuna. Illi, qui in
em potiundi oppidi certissimam vene-
nt, fugantur a nostris, qui cessisse vi-
ebantur . Capitur Novatus, antea op-
cessus, quam nihil tale suspicari posset;

M

& qui

& qui diutius dum moratur in domo, quæ Mutinensium Duci habitandi causâ erat attributa, fugam non sentit suorum. At Brounius, qui agmen cogebat, neque in oppidum intraverat adhuc, ubi captum Novatum, cedentes suos, nostros insequentes videt, receptui confestim cecinit, maxime, ut dicebatur, timens, ne a latere circumveniretur; cum præferim Lobcoviczius, qui idoneum nactus locum omnia speculabatur, non sibi submittendis subsidiis nudanda castra, atque exercitus fortunas omnes devocandas in dubium existimaverit. Simul videbantur subsidia, quæ ille, inclinata jam re, submisisset, implicata præcipiti suorum receptu, tumultum potius quam præsidium allatura cedentibus.

Receptis Velitris, Castropiniani Dux ad custodiendam in præsentia oppidi portam Neapolitanam cum iis copiis, quæ in eam partem ex tribus viis, repulsis hostibus, confluerant, & cum machinis castrensibus duabus, & præterea nostris Hungaricis equitibus circiter centum, Lessium castrorum Præfectum reliquit: ipse ad dextrum cornu profectus, de rebus

bus gestis certiolem facit Regem. Rex, qui uno eodemque tempore & a montanis munitionibus, & ab oppido fugatos hostes cognoverat, imperat Castropiniani Duci, si recte atque exercitus commodo fieri possit, recipientem se Brounium adoriatur: descendat interim Gagus ab Artemisio Monte, atque irrumpat in castra hostium, quæ imparata fere a militibus esse constabat. Sed controversia illata de itinere, quo maxime hostem, sicuti Rex imperaverat, persequi placeret, & nostros ad insequendum tardavit, & quietiorem illis receptum dedit. Neque enim satis erant nota nostris loca, tam multis transversisque tramitibus divisa; neque oppidanorum ad ea commonstranda fidelis opera videbatur: & multa in utramque partem disputabantur, cum alius vestigiis hostium insistendum, alius breviori itinere occurrendum putaret. At Vallis hermosæ Comes, qui omnia eo die ducis ac militis officia præstiterat, & mirifica tum ulciscendi hostes cupiditate flagrabat, fidenter sane ac libere, Quid, inquit, consultando tempus conterimus? Hostes impune in conspectu nostro elabi

non est ferendum : manu opus est , & celeritate . Simul se itineris ducem profite-
tur : (omnem enim circa regionem , ad-
jutore usus Ambrosio Hurlierio præstan-
tis ingenii homine , & Borboniæ Draco-
num alæ Propræfecto , quod est in admi-
nistrando bello præcipuum , accurate co-
gnoverat) sese ait ab ea parte , qua pons
est , qui appellatur Mela , prope oppidum
Lanuvium copias adducturum , ubi &
equites nostri manus possint conferere ,
& hostes circumventi a latere , atque om-
ni ad Cynthianum intercluso itinere ,
præsentes insignis audaciæ pœnas luant .
Hæc vicit sententia . Sed ipsa jam dispu-
tatio multum extraxerat temporis , atque
aliquid etiam moræ addiderant Helvetio-
rum prætorianorum cohortes , dum ac-
cersuntur , dum veniunt ; eo quidem con-
silio accersitæ , ut majori peditum nume-
ro septus equitatus ex angustiis tutius
emergeret , atque in agro Lanuvino locum
nancisceretur æquum atque apertum .
Tandem procedere nostri incipiunt eo-
dem itineris Duce , qui fuerat auctor sen-
tentiae . Sed jam effugerant hostes ; quod
ubi rescivit Rex , intercludi illos receptu
pos-

posse desperans, & militum labori parcendum existimans, quod valde eo die defatigati fuerant, Castropiniani Ducem Gagiumque ulterius progredi vetat, & copias reducere jubet in castra. Sic cum prima luce prælium cœpisset, hora fere nona refederant omnia ab tumultu, & in sua se utrique castra receperant: Regii quidem feroces atque alacres, quod cum omnium judicio oppressi ac deleti pene viderentur, animum tamen non despondissent, & collectis viribus terga hostes subito vertere coegissent; magnaue eorum cæde novem militarium signorum jacturam compensassent: Austriaci autem magis præda onusti quam laude insignes ferebantur; nam latrocinandi aviditate corruperant gloriam facinoris, quod laudari poterat, si peractum fuisset.

Postero die Rex, collaudatis nominatim Comite Gagio, & Castropiniani Duce, quorum in repellendis hostibus opera fuerat usus forti ac diligenti, omnibus generatim gratias agit: Hispanis, quod tantis subito objectis difficultatibus, tamen a consueta virtute non discessissent;

sent: Neapolitanis, quod veteranorum virtutem fide atque amore erga suum Regem adæquassent. Atque incitandæ honestandæque virtutis causa, militari- bus nonnullos præmiis auget, cum pri- mis Nicolaum Sanseverinatem, atque Ariciæ Principem, qui periculose ex vul- neribus decumbebant; quorum alterum ab inferiori gradu ad Tribunum militum se traducere pronunciat; alterum in am- plissimum Divi Januarii Equitum ordi- nem cooptat. Totum denique exercitum bona spe complet, hortaturque, ne, quæ fortunæ quodam jure acciderint, gravi- ter ferant; & quoniam in bello omnia cedere secunda non possint, lætentur po- tius, quod hostes pene victores tanta fuerint cum eorum cæde a castris rejecti, quam doleant, quod ad castra accesserint, & partem aliquam abduxerint im- pedimentorum. Cogitur etiam in unius oppidani supplicium contra suam natu- ram Rex jure belli, & maximo militum concursu, quod multa oppidanorum perfidiæ detrimenta accepta refereban- tur, uti tamen magis fama quam re compertum videbatur. Conversus dein- de

de ad reliquas belli cogitationes, proximi diei casu admonitus, firmari castra diligentius, & custodiri vigilantius jubet. Porta oppidi Neapolitana, & Mariæ Hortensis Fanum, atque omnis Castrorum læva pars, imposito Vitzianæ manus præsidio, collocatis æneis aliquot tormentis, opposito ericio, extructo agere, fossa & vallo communiuntur; omnia opere tam properato, ut diebus duobus quidquid a peritioribus rei militaris desiderabatur, celerrime perfectum fuerit. Armantur ac vestiuntur, qui amissis equis atque armis a repentina hostium irruptione refugerant. Certus Provinciis militum numerus, singuli singulis Regni Principibus equi imperantur. Prolixè in eo populi ac Principes respondent. Neapolitana Civitas pecuniam ad usum belli ultro etiam non imperatam confert. Revocatur a Vestinis Dux Viavilleus Legatus, qui repressò jam ac remoto Comite Soroo, adducat statim ad Velitras in castra, quam secum habeat, peditum atque equitum partem. Adducit. Etiam fortuna ipsa per eos dies facere quodammodo cum Rege visa est.

est. Nam quæ ne expectabantur quidem ab Hispaniis auxilia, de repente opportunissimo tempore inter medias Britannorum classes Cajetam ac Neapolim appulerunt. His rebus celeriter id, quod ad iii. Idus Sextilis in nostris castris ad Velitras deperierat, expletur, resque ad pristinam belli rationem redigitur.

Lobcoviczius eo consilio depulsus, quod extremo veluti conatu susceperat, & cui, grandi licet accepto detrimento, speciem victoriæ ostentationis, uti videbatur, causa imponebat, receptui aliquando tandem consulere cœpit. Communitis enim nostris castris, atque amisso suarum copiarum robore, nullum jam insidiis, nullum prælio relinqui locum videbat. Milites autem, quos belli casus fecerat reliquos, partim vulneribus ac cœli vitio confictati, partim diuturno labore atque infelici expeditione intabescerentes, ægre vix necessariis militiæ muneribus fungebantur. Dissidebant inter se Duces, quod plerumque accidit in adversis, summumque Lobcoviczii imperium carpere videbantur atque abnuere. Erat equitatus omnis macie prope enectus,

Erat omnis circa regio defessa & apta commoratione exercitus tam. Adventabat etiam autumnus, maritimis com meatibus tempus: a deerat. Lobcoviczius ipse, qui subsidiis indigebat, subsidia comatur submittere Sardiniae Regi tumnti, & quiritanti maxime. Erat dein sumnis angustiis res, & sem ea multa Lobcoviczium hortat, quare sibi loco excedendum pueni. Nihilo tamen secius menses ipsos castris Regiis castra collata habuit, ut obtorpuisse inops consilii videre: sive ille erat pudor abjiciendi in, sive spes, quæ ultima solet homiferere. Quo quidem tempore noexercitui carissimum atque invictum virum Atrisci Ducem morbus ex: Hungarici autem equites circiter im impetum in Valmontonium opu improvise fecerunt, & quæ ibi gentius versabatur, nostrorum cenm una cum Portocarrero Duce conunt omnem, atque ipsum deinde dum habuerunt prædæ loco. Ne postea quidquam magnopere accidit,

N

quod

quod memoria dignum prætermittendum non videatur.

Interim Regi Sardiniae qui auxilarentur, ad mille Illyricorum misit, & legionem Pallavicinam mutilatam admodum superiore prælio; atque eadem Lobcoviczius de profectioe cogitans, quæ jam antefenserat, ægrorum atque impedimentorum partem dat Andreasio, mari transducendam in Hetruriam; partem itinere terrestri ad Faliscos Faliscorum præmittere incipit, quo expeditius in ipso receptu rapiat agmen. Mittit etiam ad hominum centum, qui junctis ratibus pontem in Tyberi ad trahendum exercitum juxta pontem Milvium faciant, præsidioque ibi sint. His explicatis rebus, cum equitum alam pridie kal. Novembris mane misisset, qui ad lævam nostrorum castrorum adequarent, & quasi munitiones explorare vellent, nostros prælio etiam, si opus esset, commisso detinerent. Ipse noctu silenti agmine subsequutus, quas interdum præmiserat sensim, legiones, celeriter e conspectu Velitrarum discessit. Neque vero hoc audito moram ullam ad insequen-

quendum intulit Rex, antea jam suspicatus, huc necessario descensurum Lobcoviczium; & præmissis equitatu, qui novissimum hostium agmen male haberet, & receptum demoraretur, ipse cum universo exercitu instabat, atque imminabat. Illi unam noctem ad locum, qui mediæ viæ Turris appellatur, commorati, qua nocte nostri in Albana valle, confederant, expedito itinere antecesserunt. Cumque ante ipsa Urbis mœnia iter facerent, Romanorum oculis mutabilis fortunæ exemplum objecerunt, non eodem certe vultu, neque iisdem animis recedentes, quibus venerant. Extremum hostium agmen vix præcesserat, cum subito apparere nostri, & se ostendere cœperunt: assequi vero illos aut non potuerunt, quod major illorum fuerit in fugiendo, quam nostrorum in persequendo celeritas; aut noluerunt, uti tum vulgo jactatum est, quo vires magis integras afferrent ad earum copiarum conjunctionem, quæ, percusso jam cum Genuensibus fœdere, in Galliam Cisalpinam, Philippo Regis Fratre Duce, infuebant. Parva tamen inter nostri

exercitus antecursores, & novissimos eorum dimicatio facta est ad pontem Milvium, dum pontes illi rescindunt, quo nostrorum incursum reprimant. Nonnulli utrinque vulnerantur, atque interficiuntur. Sed rescissis pontibus Lobcoviczius celerem sibi fugam per difficiliora itinera atque Eugubinos montes quæsitum ivit, sibi non omnino displicens, quod expeditionis exitum fœdissimum multo ante præsenferat, alieno autem judicio vexatus, & eorum potissimum, qui fortunam convertunt in culpam, & quod male cecidit, male consultum putant. At Rex cum in Suburbano Patricio pernoctaret, ibi eum ex Romana nobilitate Principes & Cardinales multi convenerunt, quos ille omnes per benigne excepit, maxime vero Aquavivam Cardinalem, quem ut vidit complexus, & gratulans, salutem se Regni videre dixit. Postridie mane equo Romam inVectus, Pontificem Maximum BENEDICTUM hujus nominis XIV. salutatum venit, præstantem doctrina prudentiaque virum, cujus consilio atque auctoritate tum maxime Romana Resp. stetit. At Sanctiss.

Pa-

Pater tantum Regem , maximi ipsum Regis Filium , genibus advolutum suis cum videret , tanta est voluptate perfusus , ut difficillimi temporis acerbitatem ingenti consolatione leniret . Lustrat deinde Rex celeberrima Urbis loca , circumfluente omnium ordinum multitudine , quæ tum primum soluta propinqui belli metu , alacrior prosequabatur Regem , incredibili plausu atque acclamatione . Statim inde a convivio , quo magnifico ac splendido acceptus in Vaticano fuit , Roma proficiscitur , cum partem Neapolitani exercitus Gaggio ad insequendos hostes attribuisset , partem se subsequi jussisset in Regnum . Ipse receptis Liberis & Coniuge præstantissima , quæ illi ad Regni usque fines obviam processerat , Cajetam primum , mox Neapolim pervenit . Advenienti tota obviam Neapolitana Civitas longissime prodiit , Regem suum , Liberatorem suum videre gestiens , & præteriti periculi recordatione lætior . At victor Rex dignum victoriæ ac virtutis suæ fructum tulit , benevolentiam populorum , quos ille admodum a bello revertens exhilara-

ra-

ravit : hostes autem docuit , non leve
negocium esse Regnum invadere , non
tam militum armis , quam optimi Regis
præsentia communitum .



TROJANUM AQUAVIVAM
ARAGONIUM

S. R. E. C A R D I N A L E M

MONTIS REGALIS ARCHIEP.

Et Philippi Patris Regis Hispaniarum, &
Caroli Philippi F. Regis Neapolis ac
Siciliæ ad Pontificem Maximum
Sedemque Apostolicam
Legatum

P R Æ F A T I O

Primæ Editionis.



*P*osteaquam, Trojane Aquaviva,
ad Neapolitani Regis exerci-
tum, atque in militiæ discipli-
nam profecti sumus, non bellicis usque adeo
corpus animumque nostrum studiis exercere
decrevimus, ut omnino illa optimarum ar-
tium pulcherrima, atque ad omnem hominem
omnemque locum accomodata, & nunquam
a no-

a nobis non exculta studia relinqueremus. Legendo enim acceperamus, clarissimos Imperatores non tam bellorum gloria, quam literarum præstantia enituisse, atque ab his literatos homines eductos esse in castra, quos & laborum periculorumque socios non insuaves, & magnarum interdum rerum auctores idoneos haberent; experiundoque cognovimus, virtutis consiliique militaris splendorem ac vim non infuscarī ac minui, ut nonnulli perperam opinantur, sed illustrari contra hisce artibus, atque augeri plurimum. Nam ut indecorum est, ubi a ferro atque acie discefferis, de iis ipsis rebus, quas fortiter gesseris, aut inepte loqui, aut turpiter obmutescere; sic præclarum debet videri, eruditionis ac scientiarum laude, aliena quasi ac peregrina splendere militem. Multo autem præstabilius est ad alendam animi fortitudinem, militiamque ipsam penitus cognoscendam, post equorum armorumque exercitationes, tolerare hybernorum otium, ac præsidiorum fastidium nobilissimarum rerum cognitione, Mathematicarum præsertim atque Historicarum, unde ars omnis militaris efflorescat ac re-

redundet oportet, quam per desidiam turpissimasque voluptates totum animi corporisque robur corrumpi sinere, ac quodammodo hebescere. Hanc consuetudinem si tenerent honesto saltem loco nati, qui in Regum atque Imperatorum castra quotidie confluunt, & non prius irent ad arma, quam bonis antea essent artibus instructi; alacriores paulo ad pugnandum milites haberemus, peritiores quidem certe ad imperandum duces: & non vehementer doleremus obscurari jam sensim atque evanescere splendidam illam ac grandem belli gerendi rationem, qua veteres Græcos ac Romanos tanta esse usos commendatione legimus. Quamquam ex hoc excellentium ducum militumque numero, & patrum nostrorum ætate fuerunt Eugenius, Turrena, Vobanius, Follardius, aliique nonnulli, & sunt nostra, quorum nos exemplum, militiæ rudimenta ponere aggressos, sequi neque pudeat unquam neque pœniteat. Nemo certe jure reprehendat, si, quod tempus vacuum nobis datur a labore militari, consumimus in meditando, in legendo, atque in scribendo etiam aliquid, quod a militari di-

O

sci-

sciplina ipsa non abhorreat. Velut id est, quod in hoc Commentario præstare conati sumus, non perficiendi spe adducti; sed experiundi voluntate incitati. Latinis enim literis mandare instituimus eam Italici belli partem, cui Carolus Siciliae ac Neapolis Rex non præfuit solum, sed etiam interfuit, & quam ab eo tempore exorsi, quo ille sui Regni tutandi causa arma sumpsit, obviamque hostibus est profectus, felici faustoque ejusdem victoris Regis reditu, ac populis optatissimo, concludemus. Cum vero hujusce belli partis impetus ac furor ad Velitras diutius confederit, eaque urbs a fortuna deleta fuerit quasi campus, ubi exercitus utriusque vires atque artes palam ostenderentur, hunc propterea librum de Rebus ad Velitras gestis inscripsimus. Ut autem latina istud potius quam alia persequeremur lingua, eo factum est, quod hoc nostrum, quale tandem cumque est, opus doctis præsertim atque elegantibus hominibus probari volumus, quibus quidem latina præcipue oratio grata atque accepta esse debet: & quod speramus fore, ut ejusmodi rerum noti-


litia latinis literis illustrata Italica fines
 attergrediatur fortassis, latiusque propa-
 tur; & quod demum bellorum prælio-
 rumque narrationes, si latino sermone con-
 tribuantur, videantur mihi quidem quo-
 modo altius assurgere, & maiorem
 de assumere gravitatem ac decus.

Ac si quis est, qui, quod sub Nea-
 politano Rege stipendia meruerim, ejus-
 sim benignitate honestiorem in militia
 inem adeptus, idcirco studio partium
 rectum sinceram hanc narrationem falsis
 busdam coloribus oblinere me velle su-
 etur; hunc ego ad eos rejicio, qui me
 be norunt, sciuntque a gratia, odio,
 e ab omni præsertim mendacio multo
 m alieniorem esse me, quam hominem
 teat, qui velit ac debeat fortunæ ve-
 ri suæ. Quam quidem fortunam, si
 o ulla est, honestatis impendio quæ-
 ra, contemnam semper; sin autem in-
 o mihi, & bonis potius quam malis
 bus emergere cupienti, occurreret, am-
 ar libenter. Sed fortunæ nostræ, qua
 inclementiore usi hætenus sumus, ut
 us ovinemur in posterum, tua facit
 nitas, Cardinalis amplissime. Cujus-
 O 2 dam

dam enim singularis felicitatis loco statuo potuisse me recipi in patrocinium ejus viri, quem natura, quem virtus, quem demum fortuna, mirifica cernatim consensione, decoraverint omni genere laudum atque ornamentorum. Quæ ampla, illustria, ac singularia omnia habitantia in omnium oculis, & non modo in totius Italiæ, sed etiam Europæ auribus adeo personant, ut Historiam mihi tractanti, unumque propterea verum proferenti, verentia non esset aut assentatoris, aut amplificatoris nota, si, quod neque temporis hujus est neque loci, laudare ea vellem magnificentissime. Verum in communibus laudum virtutumque tuarum præconiis celebrent alii quidem vetustissimam Aquavivæ gentis nobilitatem, pluribus domiforisque facinoribus, facinorumque præmiis, plurimarum Urbium atque Oppidorum avita possessione, Regiis denique affinitatibus insignem; alii directam illamtuum atque expeditam ad summos omnes honores sine ulla aut existimationis aut dignitatis offensione viam; alii splendorem in publicis, alii moderationem in privatis, comitatem alii, alii gravitatem præ-

rædicent: Ego vero, cum hæc omnia cum
 eteris eximia, ac perpetua commendatio-
 e digna judico, tum illam tuam in-
 rimis admiror in rebus gerendis magni-
 tudinem animi, ac prudentiæ vim, qua
 sortem ipsam, constitutam a quibusdam
 inquam rerum humanarum dominam, vi-
 ris dominari. Qua excellenti, ac pene
 vna virtute tua allekti duo potentissi-
 Reges, Philippus Pater, & Carolus Fi-
 s, tot Regnorum, Provinciarum, ac Na-
 num negocia commendare tibi delibera-
 it: eumque tantorum Regum delibera-
 exitum habuit optabilem, ut cum omnia
 te illi Familiamque tuam summa con-
 erint, haud sciamus tamen, utrum tu
 s illis, an tibi illi debeant. Ne lon-
 s abeam: hoc proximo ac difficilli-
 bello, de quo scribimus, quodque Nea-
 s Siciliæque Regi Regnisque, & Bor-
 io fortassis in omni Italia nomini, ma-
 m aliquod malum portendere videba-
 , quæ tua fuit auctoritas? quæ mens?
 rcitum quidem nostrum tuis literis,
 opibus, consilio potissimum viguisse
 omnes sciunt, iique maxime, qui ex
 ris, eque hostium copiis eo Romam
 tem-

tempore frequentes propter castrorum vicinitatem veniebant; cum te talem virum intuentes diverso diversarum partium homines sensu afficerentur, & victoriam, cupiditate ac spe præoccupatam, e suis abs te manibus ereptam esse illi mererent, nos lataremur. Quamobrem multo esse convenientius ducimus, in tuo nomine Commentarium apparere, qui jam tuus est, propterea quod eorum factorum narrationem explicat, quorum, Aquaviva nobilissime, tu, quamquam absens, maxima pars fuisti: multoque maiore nos alacritate, atque etiam voluptate ad eas res scribendas aggredimur, quas ipsi nos vidimus, quibusque non sine vitæ discrimine interfuimus.



1 Z I O N E D E' N O M I P R O P R J

i persone, impieghi, eluoghi.

il Libro de Rebus ad Velitras gestis.
primo de Bello Italico. II. il Libro se-
I. p. I. la parte prima del Libro terzo.

III. p. II. la seconda parte.

emia Jesuitarum III. p. II. 3. Collegio
Gesuiti.

us III. p. II. 52.... per soprannome Bar-
sa.

enus V. 17. Marca de Ancona.

ie suburbium III. p. I. 118. Albaro.

nelium I. 20. Ventimiglia.

i Arx V. 67. Fortezza di S. Vittorino.

sus V. 84. Il Generale Andreaasi nelle
ppe Austriache.

V. 49. Il Teverone.

montes I. 38. Montagne di Pontremoli.

tatellæ I. 15. Aiqui.

tiz III. p. I. 408. Aix in Provenza.

urus II. 89. D. Giuseppe Aràmburu, Te-
nte Generale Spagnuolo.

rium Suburbanum III. p. I. 64. S. Pier d'
rena.

: Princeps V. 84. Il Principe dell' Ariccia,
lapolitano Colonnello.

um nemus V. 50. Bosco di Nemi.

¶

As-

- Ascoisquius III. p. I. 21. *D. . . . Ascoiqui , Brigadiere nelle Truppe Spagnuole.*
 Asculanorum , & Fregellanorum fines V. 39. *Tra-Ascoli , e Ponte Corvo.*
 Asseretius III. p. I. 114. *Domenico Assereto Uomo plebeo capo del Popolo.*
 Atcrni Arx V. 25. *La Fortezza di Pescara.*
 Augusta Batienorum II. 4. *Basignano.*
 Balestrinas III. p. I. 52. *Il Marchese di Balestrino Filippo del Carretto al servizio del Rè di Sardegna.*
 Balista I. 24. *Monte Balestra.*
 Bava III. p. I. 114.... *Bava plebeo capo del Popolo:*
 Belinsulanus III. p. II. 10. *Il Marefciallo di Belleille.*
 Berenclavius III. p. I. 10. *Il Barone di Berenclan, Tenente Generale nelle Truppe Austriache.*
 Blonchadius III. p. II. 53. — *di Blomket , Colonello nelle Truppe Austriache.*
 Boii III. p. I. 10. *Baviera.*
 Botta Praefectus fabrum III. p. I. 43. *Il Marchese Botta , Generale di Artiglieria.*
 Brigantium III. p. II. 108. *Brianzone.*
 Brignole Sale I. 110. *Il Marchese Gio : Francesco Brignole Sale , Commissario Generale delle Truppe Genovesi, e dipoi Doge di Genova.*
 Britannia minor II. 2. *Bretagna.*
 Britannicum Promontorium I. 113. *Capo Bretano.*
 Bru-

- Brutij V. 10. *Calabria.*
 Calones V. 63. *Bagaglioni.*
 Camertes V. 28. *Camerino.*
 Campania V. 26. *Terra di Lavoro.*
 Camposius II. 114. *Mr. Champeaux, Residente di Francia in Ginevra.*
 Capheronia I. 27. *Garfagnana.*
 Campus Sanctus, celebris apud Campum Sanctum pugna V. 26. *La battaglia di Campo Santo de 8. Febbero 1743.*
 Caravaglius Legatus II. 82. *D. Nicolò di Carvajal, Tenente Generale Spagnuolo, ora Colonello delle Guardie Spagnuole, e Marchese di Sarria.*
 Castellana manus V. 86. *Il Reggimento di Castilla Infanteria.*
 Centum Cellæ I. 3. *Civita Vecchia.*
 Chovelinius III. p. II. 48. *Mr. de Chauvelin, Maresciallo di Campo Francese.*
 Civaro III. p. II. 109. *Chamberi.*
 Clericanæ legionis instructor I. 113. *Il Sargento Maggiore del Reggimento di Clerici nelle Truppe Austriache.*
 Cohortes Belgarum prætorianorum V. 57. *Battaglioni delle Guardie Vallone di sua M. Catolica.*
 Comes Bofortius V. 89. *Il Conte di Beaufort Fiammingo Tenente Generale delle Truppe Spagnuole.*

- Comes Brounius V. 17. *Broun Irlandese Tenente Generale delle Truppe Austriache.*
- Castaleo III. p. I. 127. *Castiglioni Colonnello nelle Truppe Austriache.*
- Cecilienfis II. 34. *Di Cecile Fiammingo Tenente Generale delle Truppe Genovesi.*
- Christianus III. p. II. 3. *Cristiani Genovese Gran Cancelliere di Milano.*
- Corapheus II. 107. *Corasan Greco Marefci-*
allo di Campo , e Colonnello del Reggimento di Manfredonia nelle Truppe Napolitane.
- Cotechius III. p. I. 79. *Chotek Commissario Generale delle Truppe Austriache.*
- Gagius V. 7. *Di Gages Fiammingo Generale delle Truppe Spagnuole.*
- Gazola Præfectus fabrum V. 7. *Gazzola , Comandante dell' Artiglieria Napolitana.*
- Goranus I. 47. *Gorani Milanese Colonnello Austriaco.*
- Lannionensis III. p. II. 66. *Di Fran-*
cese.
- Mahonius V. 15. *Maoni Irlandese Tenente Generale delle Truppe Napolitane.*
- Malibojus III. p. I. 2. *Maillebois figlio del Marefciallo.*
- Marianus V. 62. *Il Conte Mariani Mila-*
nese , Comandante dell' Artiglieria Spag-
nuola.

Co-

- Comes Morilij Sancta Crucius V. 46. . . . Colonnello
del Reggimento di Dragoni di Tarragona.
- Sevius V. 71. Di Saive Francese Tenente
Generale delle Truppe Spagnuole.
- Sorous V. 66. Soro Colonnello Austriaco.
- Tunius V. 6. Monsignor Thun Vescovo di
Gurck, Ministro Austriaco in Roma.
- Vallishermosæ V. 91. Di Vallermoso Spag-
nuolo genero, e dipoi Erede del Duca di
Montemar, Marefciallo di Campo.
- Custodes Corporis V. 36. Le Reali Guardie del
Corpo.
- Cynthianum V. 65. Genfano.
- Decurio Custodum Corporis V. 79. Effente delle
Guardie del Corpo.
- Duccæsius III. p. I. 37. Mr. Duchè Fiammingo Te-
nente Generale nelle Truppe Spagnuole.
- Durlacensis Princeps III. p. I. 20. Il Principe di
Baden-Durlac, Colonnello nelle Truppe Pie-
montesi.
- Dux Aginnensius III. p. II. 125. Duca d' Agenois
Francese.
- Atrifci V. 44. Il Duca di Atrisco D. Mel-
chior di Solis, Grande di Spagna, e Te-
nente Generale.
- Castropiniani V. 44. Di Castropignano D.
Francesco Evoli Napolitano Tenente Ge-
nerale.

Dux

- Dux Gramondus II. 95. *Di Grammont Franceſe Tenente Generale.*
- Montalegrius V. 16. *Di Montalegre , Marchefe di Salas , Segretario di Stato di S. M. Siciliana.*
- Oſcenſium II. 118. *Il Duca di Hueſcar D. Ferdinando Silva di Toledo, Grande di Spagna.*
- Vieuvillæus V. 68. *De la Vieuville Fiammingo Tenente Generale.*
- Eques Alferius I. 110. *Il Cavagliere Alferi.*
- Equites Hungarici Levis armaturæ V. 23. *Uffari.*
- Eretum V. 47. *Monterotondo.*
- Ernicorum Latium V. 43. *Campagna di Roma.*
- Eſcerius Caſtrorum Præfectus II. 25. *Mr. Eſcher Franceſe Mareſciallo di Campo delle Truppe Genoveſi.*
- Eugeniana ala III. p. I. 35. *Il Reggimento del Principe Eugenio nelle Truppe Auſtriache.*
- Facardus Caſtrorum Præfectus V. 87. *D. Fajardo Spagnuolo Mareſciallo di Campo.*
- Falerij Falifcorum V. 30. *Città Caſtellana.*
- Ferreria Jo : Caſtrorum Præfectus V. 51. *D. Gio: La Ferriere Mareſciallo di Campo nelle Truppe Spagnuole.*
- Flobertius II. 50. *Mr. Flobert Franceſe Ingegniere nelle Truppe Spagnuole.*
- Forum Cornelij I. 12. *Imola.*
- Flaminij V. 28. *Foligno.*

Fo-

Forum Fulvij II. 13. *Valenza del Po.*
 Iutuntorum II. 17. *Pizzighitone.*
 Vocontium III. p. II. 24. *Draguignan.*
 Franchinius III. p. II. 51. . . . *Franchini Col-*
onnello nelle Truppe Austriache.
 Gabellus I. 13. *La Secchia.*
 Georgiana mensa III. p. I. 87. *Il Banco di*
S. Giorgio.
 Grimaus Barcinonensis V. 77. *D. Giuseppe Gri-*
mau Catalano, Colonnello del Reggimento di
Dragoni della Regina nelle Truppe Napolitane.
 Grosius III. p. I. 20. *Il Conte Grossi Piemontese.*
 Guardistallum II. 107. *Guaftalla.*
 Guimontius III. p. II. 42. *Mr. di Guimont, In-*
viato di Francia in Genova.
 Hasta Pompeja II. 13. *Asti.*
 Hiberna III. p. I. 114. *Quartieri d' Inverno.*
 Hispaniensium pratorianorum Cohortes V. 86.
Battaglioni delle Guardie Spagnuole.
 Hurlerius Ambrosius V. 92. *Ambrogio Hurlièr,*
Tenente Colonnello del Reggimento di Dragoni
di Borbone nelle Truppe Napolitane.
 Impedimenta V. 63. *Bagagli.*
 Instructor Exercitus V. 47. *Commissario di Guerra.*
 Insula Stacades V. 66. *Isole de Hieres.*
 Interam natium V. 30. *Terni.*
 Interamnensis Episcopus V. 68. *Il Vescovo di*
Teramo.

Iria

- Iria amnis I. 124. *La Scrivia.*
 Iria oppidum II. 57. *Voghera.*
 Labro II. 78. *Livorno.*
 Langenses I. 108. *Langaſco.*
 Laus Pompeja II. 118. *Lodi.*
 Lautrecchius II. 96. *Mr. de Lautrec Tenente Generale nelle Truppe Franceſi.*
 Lazarianum III. p. I. 24. *S. Lazaro Villa del Cardinale Alberoni, fuori di Piacenza.*
 Leertius Mierius II. 40. *D. Benedetto Les de Mier Spagnuolo Sargento Maggiore delle Guardie Spagnuola Infanteria.*
 Legio Helvetica V. 36. *Il Reggimento delle Guardie Svizzere.*
 Italica V. 36. *Delle Guardie Italiana.*
 Liguſtica II. 7. *Di Liguria nelle Truppe Geneveſi, i cui Capitani avevano il grado di Tenenti Colonnelli.*
 Quæ à Corona V. 84. *Il Reggimento d' Infanteria Spagnuola detto de la Corona.*
 Lerina III. p. I. 108. *Iſola di S. Onorato.*
 Leſſius Caſtrorum Praefectus V. 90. *D. Guglielmo Laci Irlandeſe, Mareſciallo di Campo nelle Truppe Spagnuole.*
 Leucopetra II. 74. *Capo di Spartivento in Calabria.*
 Leutronius II. 96. *Il Generale Leutrum nelle Truppe Piemonteſi.*

Luce-

Luceria III. p. I. 13. *Luzara.*

Luccius III. p. I. 13. *Il Tenente Generale Lucchesi Siciliano nelle Truppe Austriache.*

Magdonellus Legatus V. 67. *D. Rinaldo Macdonell Irlandese Tenente Generale nelle Truppe Spagnuole.*

Tribunus militum V. 79. *D. . . . Macdonell figlio del sopradetto Colonnello nelle Truppe Spagnuole.*

Magonis Portus V. 18. *Porto Maone.*

Malleoli V. 81. *Granate Reali.*

Manus Hybernicorum V. 57. *La Brigata d'Irlanda.*

Marchio Carallienfis II. 83. *Il Marchese di Caraglio Piemontese.*

Castellarenfis II. 21. *Di Castellar D. Luca Patigno Spagnuolo Tenente Generale.*

Chetardienfis II. 105. *De la Chetardie Francese fù Ambasciatore in Moscovia.*

Fajenfis III. p. II. 68. *De la Faye Colonnello Francese.*

Hospitalius V. 80. *De l'Hôpital Ambasciatore di Francia in Napoli.*

Ledenfis III. p. II. 83. *Di Lede Fiammingo Colonnello nelle Truppe Spagnuole.*

Malibojus I. 126. *Di Maillebois Marefciallo di Francia.*

Mauriacenfis III. p. II. 51. *Di Mauriac Marefciallo di Campo Francese.*



Mar-

- Marchio Minensis III. p. I. 59. *Della Mina, Capitano Generale Spagnuolo.*
- Mojensis III. p. II. 129. *Di Moya Spagnuolo Brigadiere.*
- Montalius II. 100. *Il Marchese di Montal Francese, Tenente Generale nelle Truppe Francesi.*
- Montium III. p. II. 121. *Monti Brigadiere nelle Truppe Francesi.*
- Novatus V. 75. *Novati Milanese Tenente Generale nelle Truppe Austriache.*
- Puiffensis III. p. II. 25. *Di Puissieux, Segretario di Stato del Rè Cristianissimo.*
- Villadariensis III. p. I. 69. *D. Gio: del Castillo, Marchese di Villadarias, Tenente Generale nelle Truppe Spagnuole.*
- Villafuertius V. 79. *Di Villafuerte Spagnuolo, Marefciallo di Campo nelle Truppe Napolitane.*
- Marcianus Comes III. I. 92. *Il Conte di S. Marfan Piemontese.*
- Margaropolis III. p. II. 90. *S. Margarita Luogo tra Recco, e Rapallo.*
- Michael Retius V. 33. *D. Michele Regio Siciliano Generale delle Galere di Nàpoli.*
- Militaris architectus V. 72. *Ingegniere.*
- Montani pedites V. 44. *Micheletti Catalani.*
- Muniainus III. p. I. 68. *D. Gregorio Muniain Spag-*

- Spagnuolo* , Segretario di Stato dell'Infante
D. Filippo.
- Nadaſtius III. p. I. 12. *Il Conte Nadaſti Tenente
Generale nelle Truppe Auſtriache.*
- Noallicenſis III. p. I. 29. *Il Mareſciallo Duca di
Noailles.*
- Ocelo II. 96. *Exiles , o Ours.*
- Occitania II. 113. *Linguadoca.*
- Oſtavius vicus I. 117. *Voltaggio.*
- Olbia V. 66. *Hieres.*
- Ollæ incendiarie II. 37. *Bombe.*
- Oppidum Marino V. 49. *Marino.*
Nemorenſe V. 53. *Nemi.*
- O-vvalliſ I. 105. *D. Riccardo O-vvall Irlan-
deſe , dipoi Miniſtro di Spagna in Londra.*
- Oxibii I. 59. *Oneglia.*
- Paciæcus Io : V. 85. *D. Gio : Pacheco, dipoi Mar-
cheſe di Villena , Grande di Spagna , Colon-
nello del Reggimento della Regina.*
- Pertuſatus II. 47. *Il Generale Pertuſati Milane-
ſe nelle Truppe Auſtriache.*
- Pharus III. p. I. 116. *Lanterna.*
- Picentes V. 28. *Marca d'Ancona.*
- Picolominæus III. p. I. 83. *Il Principe Piccolomini
Boemo , Tenente Generale nelle Truppe Auſ-
triache.*
- Pignatellus Legatus I. 115. *D. Francesco Pigna-
telli , Tenente Generale nelle Truppe Spagnuo-
le,*

le, e dipoi Ambasciatore di Spagna in Francia.
 Pincaronius I. 20. *D. Gio: Pingarron, Comandante dell' Artiglieria Spagnuola.*
 Pifaurum V. 7. *Pesaro.*
 Pifstaluccius V. 58. *Il Colonnello Pestalucci Milanese nelle Truppe Austriache.*
 Planasia III. p. I. 108. *Isola di Santa Margarita:*
 Pluviera II. 42. *Piovera.*
 Pons Milvius V. 98. *Ponte Molle.*
 Pontifex Valentinus I. 57. *L' Arcivescovo di Valenza D. Francesco di Cardona.*
 Promontorium Siciense V. 18. *Capo di Sicie in Provenza.*
 Purpurati V. 79. *Cortigiani.*
 Pyrochitrophorum centuriz V. 86. *Compagnie di Granatieri.*
 Remopolis II. 79. *S. Remo.*
 Ricelienfis III. p. II. 112. *Il Duca di Richeliu, Inviato di Francia in Genova.*
 Riccæcurtius III. p. I. 91. *Il Marchese di Richcourt Lorenese, Ministro Austriaco in Torino.*
 Romerius III. p. I. 37. *D. Barnaba Romero, Tenente Generale nelle Truppe Spagnuole.*
 Rovelejus I. 80. *L' Ammiraglio Rouvleij Inglese.*
 Ruscino III. p. 8. *Rosiglione.*
 Sanctandræensis III. p. II. 41. *Il Generale S. Andrea, Maresciallo di Campo nelle Truppe Austriache.*

San-

- Sangrius Placidus V. 87. *D. Placido di Sangro
Napolitano Tenente Generale.*
- Savallius Alphonsus V. 85. *D. Alfonso Cevallos,
Colonnello Spagnuolo.*
- Schythicus ensis V. 23. *Scimitarra.*
- Scutenna V. 5. *Il Panaro.*
- Segesta Tiguliorum I. 50. *Sestri di Levante.*
- Serbellonius III. p. I. 49. *Il Conte Serbelloni Mi-
lanese, Tenente Generale nelle Truppe Aus-
triache.*
- Sergianum I. 37. *Sarzana.*
- Sextum III. p. I. 69. *Sestri di Ponente.*
- Sicrius Jacobus II. 27. *D. Giacomo Sicre, Colon-
nello, ed Ingegniere Spagnuolo, e poi Maref-
ciallo di Campo di Genova.*
- Silva Castrorum Praefectus II. 54. *D. Antonio di
Silva Spagnuolo, Marefciallo di Campo.*
- Spedia I. 50. *Spezia.*
- Suburbanum Patritium V. 100. *Villa-Patrizj.*
- Tabellariorum Mediolanensium domus III. p. I.
112. *L'Ufficio della Posta di Milano.*
- Taubenius III. p. II. 80. *Mr. Tobin Irlan-
dese, Marefciallo di Campo nelle Truppe
Spagnuole.*
- Taurini in Taurinis V. 34. *Piemonte.*
- Theates V. 32. *Chieti.*
- Theodorus Latro I. 90. *Teodoro di Nenhof, intru-
so Rè di Corsica.*

Trip-

Tripius V. 61. *Il Colonnello Trips nelle Truppe Austriache.*
 Triviz Lacus V. 65. *Lago di Genfano.*
 Tropza III. p. I. 95. *Torbia.*
 Truentum V. 22. *Il Tronto.*
 Varennensis Cohors II. 5. *Il Battaglione di Varenne nelle Truppe Genovesi.*
 Varga Castrorum Praefectus V. 68. *D. . . di Vargas Spagnuolo Maresciallo di Campo nelle Truppe Napolitane.*
 Vectius I I. 22.
 Velites V. 27. *Croati, Panduri.*
 Verbanus Lacus I. 72. *Lago Maggiore.*
 Vestini V. 10. *Abruzzo.*
 Viglebanensis ager III. p. I. 9. *Vigevanasco.*
 Villetius Legatus II. 76. *Mr. Villet, Inviato d'Inghilterra in Torino.*
 Vinsonus Tribunus militum I. 40. *Vinsone Colonnello nelle Truppe Genovesi.*
 Virtziana manus V. 83. *Il Reggimento di VVirtz di Svizzeri nelle Truppe Spagnuole.*
 Vobanius II. 83. *Il Maresciallo di Vauban famoso Ingegniere Francese.*
 Vormacienſe Foedus V. 5. *Il Trattato di VVorſm de 13. Settembre 1743.*
 Urbevetanus ager I. 3. *Territorio di Orvieto.*

SPIE-

SPIEGAZIONE DI TEMPI, E MONETE.

IV. Nonas Maij V. 28. à 4. Maggio 1744.
VIII. Kal. April. V. 36. à 25. Marzo 1744.
III. Idus Sextiles V. 75. à 10. Agosto 1744.
IV. Non. Nov. I. 2. à 2. Novembre 1744.
V. Non. Maj I. 46. à 3. Maggio 1745.
III. Non. Sept. II. 54. à 3. Settembre 1745.
V. Kal. Octob. II. 56. à 27.
XIII. Kal. Jan. II. 103. à 19. Dicembre 1745.
XVI. Kal. Quint. III. p. I. 30. à 16. Giugno 1746.
XIV. Kal. April. III. p. II. 51. à 18. Marzo 1747.

Quingenties HS. I. 57. *Un milione e due terzi
di Pezzi da 15. Reali di viglione.*
Trecenties HS. I. 71. *Un milione di Pezzi.*
Sexcenties HS. I. 79. *Due milioni di Pezzi.*
Tricies HS. III. p. I. 86. *Cento mila Pezzi;
cioè cinquanta mila Genuine.*
Duodecies HS. I. 101. *Quaranta mila Pezzi.*
Millies octingenties HS. III. p. I. 86. *Tre millio-
ni di Genuine, cioè sei milioni di Pezzi.*
Sexcenties HS. III. p. I. 99. *Un milione di Genuine.*

Sono calcolati i Scfterzj a mezzo Reale di vi-
glione cioè a cinque Soldi di Venezia.



